

四庫全書

經部

欽定四庫全書

左傳杜林合注卷十五 明 王道焜

趙如源 同編

文公一

公名興僖公子母聲姜謚法慈惠愛民曰文忠信接禮曰文

周

襄王二十六年。魯文公八年襄王崩子頃王立文十四年頃王崩子匡王立

鄭

穆公二年。詳見僖公元年

齊

昭公七年。魯文公十四年昭公卒子舍立九月舍弒懿公商人立文十八年懿公弒惠公元立

宋

成公十一年。魯文公七年成公卒昭公并立文十六年昭公弒弟文公鮑立

晉

襄公繼霸二年。魯文六年襄公卒子靈公夷臯立是年趙盾為政

衛

成公九年。詳見僖公元年

蔡

莊公二十年。魯文公十五年莊公卒子文侯申立

曹

共公二十七年。魯文公九年共公卒子文公壽立

滕

詳見隱公元年魯文公十二年滕昭公來朝

陳

共公六年。魯文公十三年共公卒子靈公平國立

杞

詳見僖公元年

薛

詳見隱公元年及僖公元年

莒

魯文公十八年莒大子僕弑莒公庶其子季佗立

邾

文公四十一年。魯文公十三年邾文公卒子定公攬且立

許

僖公二十九年。魯文公五年僖公卒昭公錫我立

小邾

詳見僖公元年

楚

成王四十六年。魯文公元年冬成王遇弑子穆王商臣立文十年次子厥貉文十三年穆王卒子莊王

立楚莊

王爭霸

秦

穆公三十四年。秦用孟明以為政魯文公三年秦伯伐晉濟河焚舟遂霸西戎史記穆公三十七年益

國十二開地千里天子使召公過賀穆公以金鼓文六年穆公卒子康公瑩立文十八年康公卒子共公

立稻

吳

詳見隱公元年

越

詳見隱公元年

經

乙未

元年春王正月公即位

杜無傳先君未葬而公即位不可曠年無君

○

二月癸亥日有食之

杜無傳癸亥月一日不書朔官失之

○天王使叔服

來會葬

杜叔氏服字諸侯喪天子使大夫會葬禮也

○夏四月丁巳葬我君僖

公

杜七月而葬緩

○天王使毛伯來錫公命

杜毛國伯爵諸侯為王卿士者諸侯

即位天子賜以命圭合瑞為信僖十一年王賜晉侯命亦其比也林自隱至文六君惟桓文書即位而後書錫

命以其自即位也。錫皇歷反。○晉侯伐衛杜晉襄公先告諸侯而伐衛雖大夫親伐而稱晉侯

從告辭也。○叔孫得臣如京師杜得臣叔牙之孫。○衛人伐晉林衛孔達

為政不共盟主與兵鄰國受討喪邑故貶稱人。○秋公孫敖會晉侯于戚杜戚衛邑

在頓丘衛縣西禮卿不會公侯而春秋魯大夫皆不貶者體例已舉故據用魯史成文而已內稱公卒稱薨皆

用魯史。○冬十月丁未楚世子商臣弑其君杜商臣穆王也弑君

例在宣四年。顧憂倫反又丘倫反。○公孫敖如齊杜傳例曰始聘焉禮也

傳元年春王使內史叔服來會葬公孫敖聞其能相人

也杜公孫敖魯大夫慶父之子林叔服也。能視人顏色知吉凶。相息亮反。見其二子焉叔

服曰穀也食子難也收子

林穀公孫教長子文伯也難公孫教次子惠叔也杜食子

奉祭祀供養者也收子葬子身也。見賢遍反食音嗣難乃多反入如字

穀也豐下必有後

於魯國

杜豐下蓋面方為八年公孫教奔莒傳

○於是閏三月非禮也

杜

歷法閏當在僖公末年誤於今年三月置閏蓋時達歷者所譏

先王之正時也履端於

始舉正於中歸餘於終

林日月運轉於天猶人之行步故推歷謂之步歷步歷之始以為術

之端首謂以十一月一日子初一刻冬至為歷首暮之日三百六十有六日日月之行又有遲速而必分為十

二月舉中氣以正月月朔之與月節每月各刺一日所有餘日歸餘於終積成一月則置之為閏故言歸餘於終

履端於始序則不愆

杜四時無愆過愆起度反

舉正於中民則不惑

杜斗建不失其次寒暑不失其常故無疑惑

歸餘於終事則不悖

杜四時得所則事無

悖亂。悖必內反。

○夏四月丁巳葬僖公

杜傳皆不虛載經文而此經孤見知僖公末年傳

宜在此下

○王使毛伯衛來錫公命

杜衛毛伯字。一本作毛伯衛來錫公命一本作毛

天王

叔孫得臣如周拜

杜謝賜命

○晉文公之季年

林季末也諸

侯朝晉衛成公不朝使孔達侵鄭伐縣訾及匡

杜孔達衛大夫

匡在潁川新汲縣東北。訾子斯反

晉襄公既祥

杜諸侯雖諒閭亦因祥祭為位而哭

使告

于諸侯而伐衛及南陽

杜今河內地

先且居曰

林時為中軍帥效尤

禍也

杜尤衛不朝故伐今不朝王是致衛致禍時王在溫故勸之。且子餘反

請君朝王臣

從師晉侯朝王于溫先且居胥臣伐衛五月辛酉朔晉

師圍戚六月戊戌取之獲孫昭子

昭子衛大夫食戚邑

衛人使告

于陳陳共公曰更伐之我辭之

杜見伐求和不競大甚故使報伐示已力足以

距晉林我為衛以辭謝晉求和共音恭更古孟反又音庚

衛孔達帥師伐晉君子以

為合古者越國而謀

合古之道而失今事霸主之禮故國失其邑身見執辱

○秋

晉侯疆戚田故公孫教會之

杜晉取衛田正其疆界。疆居良反

○初楚子

將以商臣為太子訪諸令尹子上子上曰君之齒未也

杜齒年也

而又多愛黜乃亂也

林若已立為太子而又黜之乃取亂之道也

楚

國之舉恒在少者

杜舉立也

且是人也蚤目而豺聲忍人也

杜能忍行不義。蠶本又作蜂芳逢反豺仕皆反

不可立也弗聽既又欲立王

子職而黜太子商臣

杜職商臣庶弟

商臣聞之而未察

林商臣得聞其

事而未辨其信否

告其師潘崇曰若之何而察之潘崇曰享江

芊而勿敬也

杜江芊成王妹嫁於江。芊亡氏反史記以為成王妾

從之江芊怒

曰呼役夫

杜呼發聲也役夫賤者稱呼好賀反役夫如字

宜君王之欲殺女

而立職也

林言汝無禮如此宜成王之欲廢殺女而立王子職。女音汝

告潘崇曰信

矣潘崇曰能事諸乎

杜問能事職否

曰不能能行乎曰不能能

行大事乎曰能

杜大事謂弑君林此
關勃所謂忍人也

冬十月以宮甲圍

成王

杜大子宮甲僖二十八年王以
東宮卒從子玉蓋取此宮甲

王請食熊蹯而死

杜熊掌難熟冀久將有外
救林蹯熊掌也。蹯音煩

弗聽丁未王縊諡之曰靈不

瞑曰成乃瞑

杜言其忍甚未斂而加惡謚
瞑亡丁反又亡千反

穆王立以其為

大子之室與潘崇使為大師且掌環列之尹

杜環列之尹
宮衛之官

列兵而環王宮。大
音泰環如字又音惠

○穆伯如齊始聘焉禮也

杜穆伯
公孫敖

林文公即
位始聘齊

凡君即位卿出並聘

林卿出並
聘列國

踐修舊好要

結外援

杜踐猶履行也。好呼報反
下同要於遙反援于眷反

好事鄰國以衛社

稷忠信卑讓之道也忠德之正也信德之固也卑讓德

之基也

林盡心為民為忠君德之正大也盡已盡人為信君德之堅固也謙卑遜讓君德之基本也傳

因此發凡以明諸侯諒聞則國事皆用吉禮

○穀之役

杜在僖三十三年

晉人既歸秦

帥秦大夫及左右皆言於秦伯曰是敗也孟明之罪也

必殺之秦伯曰是孤之臯也周芮良夫之詩曰大風有

隧貪人敗類

杜詩大雅隧蹊徑也周大夫芮伯刺厲王言貪人之敗善類若大風之行毀壞衆物

所在咸蹊徑。帥所類反芮如銳反詩大雅桑柔篇隧音遂道也敗必邁反

聽言則對誦言

如醉

杜言昏亂之君不好典誦之言聞之若醉得道聽塗說之言則喜而答對。誦似用反

匪用

其良覆俾我恃

杜覆反也。俾使也不用良臣之言反使。我為恃亂。覆芳服反。俾本亦作卑必。

爾反是貪故也。孤之謂矣。孤實貪以禍夫子。夫子何罪復

使為政

杜為明年秦晉戰。彭衙傳。復扶又反。

經丙申二年春王二月甲子晉侯及秦師戰于彭衙。秦師

敗績

杜孟明名氏不見。非命卿也。大崩曰敗績。馮翊郃陽縣西北有彭衙城。林彭衙秦地。衙音牙。○

丁丑作僖公主

杜主者殷人以柏周人以栗。三年喪終則遷入於廟。

○三月乙巳

及晉處父盟

杜處父為晉正卿。不能匡君以禮而親與公盟。故貶其族。去則非卿。故以微人常。

稱為耦。以直厭不直。不地者盟。晉都。朝而遂盟之。於是始。

○夏六月公孫敖會宋

公陳侯鄭伯晉士穀盟于垂隴

杜垂隴鄭地滎陽縣東有隴城士穀出盟諸侯

受成於衛故責而書其氏林大夫而與諸侯敵於是始是故書士穀而後凡後書大夫。穀戶木反本亦作穀

同隴力

○自十有二月不雨至于秋七月

杜無傳周七月今五月也不

雨足為災不書旱五穀猶有收

○八月丁卯大事於大廟躋僖公

杜大

也躋升也僖公閔公庶兄繼閔而立廟坐宜次閔下今升在閔上故書而譏之時未應吉禘而于大廟行之其譏已明徒以逆祀故特大其事異其○冬晉人宋人陳人

鄭人伐秦

杜四人皆卿秦穆悔過終用孟明故貶四國大夫以尊秦伯

○公子遂如

齊納幣

杜傳曰禮也僖公喪終此年十一月則納幣在十二月也士昏六禮其一納采納徵始有玄纁

東帛諸侯則謂之納幣其禮與士禮不同蓋公為大子時已行昏禮也

傳二年春秦孟明視帥師伐晉以報殺之役二月晉侯

禦之先且居將中軍趙衰佐之

杜代卻漆。禦魚呂反。將子匪反。衰初危反。

王官無地御戎

杜代梁弘

狐鞠居為右

杜鞠居續簡伯。鞠九六反。

甲子及

秦師戰于彭衙秦師敗績晉人謂秦拜賜之師

杜以孟明言三年

將拜君賜故嗤之

戰于殽也晉梁弘御戎萊駒為右

林原前時事並在僖

三十三年

戰之明日晉襄公縛秦囚使萊駒以戈斬之囚呼

萊駒失戈狼睥取戈以斬囚禽之以從公乘遂以為右

林戈刀也禽獲也因上文萊駒失戈故言禽之生死皆曰禽因代萊駒為右與公乘戰襄公喜其勇遂以為車右。呼火故反。驪尺甚反。箕之役杜箕役在僖三十三年先軫黜

之而立續簡伯狼驪怒其友曰盍死之驪曰吾未獲死

所

杜未得可死處盡戶獵反

其友曰吾與汝為難

林欲共殺先軫女音汝難乃

旦驪曰周志有之勇則害上不登于明堂

杜周志周書也明堂祖廟

也所以策功序德故不義之士不得升

死而不義非勇也共用之謂勇

杜共

用死國用共音恭

吾以勇求右無勇而黜亦其所也

杜言今死而不義更

成無勇宜見退

謂上不我知黜而宜乃知我矣

杜言今見黜而合宜則吾不得

復言上子姑待之及彭衙既陳以其屬馳秦師死焉杜

屬已兵。晉師從之大敗秦師君子謂狼曠於是乎君

子詩曰君子如怒亂庶遄沮杜詩大雅遄疾也沮止也

庶幾其疾止也。遄又曰王赫斯怒爰整其旅杜詩大

市專反沮在汝反。王赫然奮怒則整師旅杜詩大

以討亂。赫火百反。怒不作亂而以從師可謂君子

矣。○秦伯猶用孟明孟明增修國政重施於民林秦穆

孟明再敗猶用之以為政益修治秦國之政事公不以

厚施恩惠於民欲用之以報晉。施式鼓反。趙成子

言於諸大夫曰杜成子秦師又至將必辟之懼而增德

不可當也

林言孟明再敗能增修其德秦民必樂為之效死不可敵也。辟音避。

詩曰毋

念爾祖聿修厥德

杜詩大雅言念其祖考則宜述修其德以顯之毋念念也。毋音無。

明念之矣念德不怠其可敵乎

杜為明年秦入伐晉傳

○丁丑作

僖公主書不時也

杜過葬十月故曰不時例在僖三十三年

○晉人以公不

朝來討

杜晉以我公即位不朝于晉來治其罪

公如晉夏四月己巳晉人

使陽處父盟公以恥之

杜使大夫盟公欲以恥辱魯也經書三月乙巳經傳必有誤

書曰及晉處父盟以厭之也

杜厭猶損也晉以非禮盟公故文厭之以示譏。厭

於涉適晉不書諱之也

杜不書公如晉林以公不得禮於晉故為公諱○公未

至

林公朝晉未歸至國

六月穆伯會諸侯及晉司空士穀盟于垂

隴晉討衛故也

杜討元年衛人伐晉士穀士為子林傳釋我公未歸穆伯出會

書士穀

堪其事也

杜晉司空非卿也以士穀能堪卿事故書。書士穀或作書曰晉士穀

陳侯為衛

請成于晉執孔達以說

杜陳始與衛謀謂可以強得免今晉不聽故更執孔達以苟免也

偽。為于

○秋八月丁卯大事于大廟躋僖公逆祀也

杜僖

是閔兄不得為父子當為臣位應在下今居閔上故曰逆祀

於是夏父弗忌為宗伯

杜宗伯掌宗廟昭穆之禮。夏戶雅反

尊僖公且明見曰吾見新鬼大故鬼

小

杜新鬼僖公既為兄死時年又長故鬼閔公死時年少弗忌明言其所見

先大後小順也

躋聖賢明也

杜又以僖公為聖賢

明順禮也君子以為失禮禮無

不順祀國之大事也而逆之可謂禮乎子雖齊聖不先

父食久矣

杜齊肅也臣繼君猶子繼父林言子雖有齊肅聖明之德其祭於宗廟不以子先父食。

先悉薦反下不先皆同

故禹不先鯀湯不先契

杜鯀禹父契湯十三世祖。鯀古本

反契息列反殷始封之君

文武不先不密

杜不密后稷子。密知律反

宋祖帝乙

鄭祖厲王猶上祖也

杜帝乙微子父厲王鄭桓公父二國不以帝乙厲王不肖而猶尊尚

之是以魯頌曰春秋匪解享祀不忒皇皇后帝皇祖后

稷

杜忒差也皇皇美也后帝天也詩頌僖公郊祭上天配以稷。解佳賁反忒他得反

君子曰禮

謂其后稷親而先帝也

林后稷雖親而先稱帝知所尊也

詩曰問我諸

姑遂及伯姊

杜詩邶風也衛女思歸而不得故願致問於姑姊林言先致問勞於諸姑然後致問

勞及於長姊伯長也

君子曰禮謂其姊親而先姑也

林長姊雖親而先問姑知

所尊也杜僖親文公父夏父弗忌欲何時君先其所親故傳以此二詩深責其意

仲尼曰臧文

仲其不仁者三不知者三下展禽

杜展禽柳下惠也文仲知柳下惠之賢而使

在下位非已欲立而立

廢六關

杜塞關陽關之屬凡六關所以禁絕末游而廢之

妻織蒲三不仁也

杜家人販席言其與民爭利

作虛器

杜謂居蔡山節藻稅也有其器而

無其位縱逆祀

杜聽夏父祀爰居三不知也

杜海鳥曰爰居止於

故曰虛

魯東門外文仲以為神命國人祀之。爰居爾雅一名
難縣樊光云似鳳凰爰居事見國語莊子云魯侯御而
觴之
于廟 ○冬晉先且居宋公子成陳轅選鄭公子歸生伐秦

取汪及彭衙而還以報彭衙之役卿不書為穆公故尊

秦也謂之崇德

林為穆公之賢人諸大夫以尊秦也謂之尊崇有德。威音城本或作戌音恆

選息寃反汪烏黃反為子偽反

○襄仲如齊納幣禮也凡君即位好舅

甥修昏姻娶元妃以奉窶盛孝也

杜謂諒闇既終嘉好之事通于外內外內

之禮始備此除凶之即位也於是遣卿申好舅甥之國修禮以昏姻也元妃敵夫人奉窶盛供祭祀。好呼報

反娶七佳反妃芳菲反窶音谷盛音成

孝禮之始也

經丁酉三年春王正月叔孫得臣會晉人宋人陳人衛人鄭人

伐沈沈潰

杜傳例曰民逃其上曰潰沈國名也汝南平輿縣北有沈亭。沈尸甚反潰戶內反。

○夏五

月王子虎卒

杜不書爵者天王赴也翟泉之盟雖輒假王命周王因以同盟之例為赴林王卿不卒惟王子虎劉卷書

○秦人伐晉

杜晉人恥不出以微者告林濟河焚舟晉人不出秦於是始伯西戎

○秋楚人圍江

○雨螽于宋

杜自上而墮有似於雨宋人以其死為得天祐喜而來告故書。雨于付反傳同螽音終

○冬

公如晉十有二月己巳公及晉侯盟○晉陽處父帥師伐楚

以救江

杜晉大夫書帥師於是始自士穀專盟書大夫處父專將書大夫於是常書大夫貶而後人之

傳三年春莊叔會諸侯之師伐沈

杜莊叔即得臣

以其服於楚

也沈潰凡民逃其上曰潰在上曰逃

杜潰衆散流移若積水之潰自壞之

象也國君輕走羣臣不知其謀與匹夫逃竄無異是以在衆曰潰在上曰逃各以類言之

○衛侯如

陳拜晉成也

杜二年陳侯為衛請成于晉

○夏四月乙亥王叔文公

卒

林文公即王子虎

來赴弔如同盟禮也

杜王子虎與僖公同盟於翟泉文公是同

盟之子故赴以名傳因王子虎異於諸侯王叔又未與文公盟故於此顯示體例也經書五月又不書日從赴

也

○秦伯伐晉濟河焚舟

杜示必死也

取王官及郊

杜王官郊晉地

晉人不出遂自茅津濟封穀尸而還

杜茅津在河東大陽縣西封埋藏之

遂霸西戎用孟明也君子是以知秦穆公之為君也舉

人之周也

杜周徧也。不徧以一惡棄其善。

與人之壹也

杜壹無二心。

孟明之

臣也。其不解也能懼思也。

林不以敗軍而生解怠之心。能知懼而思改其所行為。

解佳買反下同。子桑之忠也。其知人也能舉善也。

杜子桑公孫枝舉孟明者。

詩曰：于以采蘩，于沼于沚。于以用之，公侯之事。秦穆有

焉。

杜詩：國風言沼沚之蘩，至薄猶采以共公侯，以喻秦穆不遺小善。林方者曰：沼，小者曰沚。蘩，音煩。沼之

紹反。沚音止。

夙夜匪解，以事一人。孟明有焉。

杜詩：大雅美仲山甫也。一人，天

子也。詒厥孫謀，以燕翼子。子桑有焉。

杜詒，遺也。燕，安也。翼，成也。詩：大雅美武王能

遺其子孫善謀以安成子孫言。子桑有舉善之謀。詒以之反。

○秋雨蝨于宋隊而死。

也杜螽飛至宋隊地而死○楚師圍江晉先僕伐楚以救江林

僕晉大夫杜晉救江在雨螽下故使圍江之經隨在雨螽下○冬晉以江故告于周杜欲假天子之威

以伐楚王叔桓公晉陽處父伐楚以救江杜桓公周卿士王叔文公之子桓公不書示

威名不親伐門于方城遇息公子朱而還杜子朱楚大夫伐江之帥也聞晉師起而江兵解

亦還故晉○晉人懼其無禮於公也請改盟杜改二年處父之盟公如晉及

晉侯盟晉侯享公賦菁菁者杜菁菁者義詩小雅取其既見君子樂且有儀。菁子丁

反義王多反莊叔以公降拜杜謝其以公此君子也曰小國受命于大國敢不

慎儀林襄公賦詩云樂且有儀君既之以大禮何樂如之抑小

國之樂大國之惠也晉侯降辭

杜降塔辭讓公

登成拜

杜俱還上成拜禮

公賦嘉樂

杜嘉樂詩大雅義取其顯顯令德宜民宜人受祿于天。嘉戶嫁反樂如字

經戊戌四年春公至自晉

杜無傳

夏逆婦姜于齊

杜稱婦有姑之辭 ○

秋侵齊

杜無傳

○秋楚人滅江

杜滅例在文十五年

○晉侯伐秦 ○ 衛

侯使甯俞來聘

俞辛未反

○冬十有一月壬寅夫人風氏

薨

杜傷公母風姓也赴同柑姑故稱夫人

傳四年春晉人歸孔達于衛以為衛之良也故免之

杜二

年衛執孔達以說晉

○夏衛侯如晉拜

杜謝歸孔達

○曹伯如晉會正會

杜

受貢賦之政也傳言襄公能繼文之業而諸侯服從○逆婦姜于齊卿不行非禮

也杜禮諸侯有故則使卿逆

君子是以知出姜之不允於魯也杜允信也始

來不見尊貴故終不為國人所敬信也文公薨而見出故曰出姜

曰貴聘而賤逆之公林

子遂納幣是使貴卿聘逆婦卿不行是使賤者逆

君而畀之立而廢之杜君小君也不

以夫人禮迎是卑廢之

棄信而壞其主在國必亂在家必亡林棄納幣

之信而壞其內主以魯國言之則在國必亂其國以宮中言之則在家必亡其家為十八年姜氏歸齊張本○

怪音

不允宜哉詩曰畏天之威于時保之敬主之謂也

杜詩頌言畏天威於是保福祿林此言君以天為主國
家以君夫人為主成王畏天即是敬主今魯不敬其夫

人宜出姜之不
能保其福祿也

○秋晉侯伐秦圍祁新城以報王官之

役

杜祁新城秦邑也王官後在前年。祁願晚反一音元

○楚人滅江秦伯為之降

服出次不舉過數

杜降服素服也出次辟正寢不舉去盛饌鄰國之禮有數今秦伯過之。

為于偽

大夫諫公曰同盟滅雖不能救敢不矜乎吾自

懼也

杜秦江同盟不告故不書。矜居陵反

君子曰詩云惟彼二國其政不

獲惟此四國爰究爰度其秦穆之謂矣

杜詩大雅言夏商之君政不

得人心故四方諸侯皆懼而謀度其政事也言秦穆亦

能感江之滅懼而思政爰於也究度皆謀也。究音救

度待洛反

○衛甯武子來聘公與之宴為賦湛露及彤弓

杜非

禮之常公特命樂人以示意故言為賦湛
露彤弓詩小雅。湛直減反彤徒冬反不辭又不答

賦使行人私焉

林行人掌賓客之官魯人怪之故使行人私問其故

對曰臣以為

肄業及之也

杜肄習也魯人失所賦甯武子佯不知此其愚不可及及林臣以為樂工肄習樂歌自

及此詩非為宴臣而設也。肄字又作肆以二反

昔諸侯朝正於王

杜朝而受政教也

王

宴樂之於是乎賦湛露則天子當陽諸侯用命也

杜湛露曰

湛湛露斯匪陽不晞晞乾也言露見日而乾猶諸侯稟天子命而行林陽日也。樂音洛晞音希

諸侯

敵王所愾而獻其功

杜敵猶當也愾恨怒也林言諸侯盡力以當王所恨怒之人獻其成

功於天子。愾苦愛反

王於是乎賜之彤弓一彤矢百旅弓矢千

林彤弓赤色之弓。旅音盧。

以覺報宴。

杜覺明也。謂諸侯有四夷之功。王賜之弓矢。又為

歌彤弓以明報功。

今陪臣來繼舊好。

杜方論天子之樂。故自稱陪臣。林此

尊天子之辭。非稱陪臣。於魯也。好呼報反。

君辱貺之。其敢干大禮以自取

戾。

杜貺賜也。干犯也。戾罪也。林此明已所以不辭。亦不答賦之意。貺音況。戾力計反。

○冬成風

薨。

杜為明年王使來含。贈傳。

經已五年春王正月王使榮叔歸含且贈。

杜珠玉曰含。含口寶車馬曰

贈。含本亦作含。戶暗反。說文作瑤。云送終口中玉。賜芳鳳反。

○三月辛亥葬我小君

成風。

杜無傳。反哭成喪。故曰葬我小君。

王使召伯來會葬。

杜召伯天子卿也。召米地伯爵

也來不及葬不識者不失五月之內林王不稱天於追賜桓公見之至是再見貶也桓以少寡長成風以庶亂嫡王道熄矣而莊襄不能正又從而褒賞之是以天命施之天討也是故皆不稱天。召二昭反。○夏公孫

敖如晉

杜無傳

○秦人入郿

杜入例在十五年。郿音若

○秋楚人滅六

杜六

國今廬江六縣

○冬十月甲申許男業卒

杜無傳與僖公六同盟林僖公卒昭公錫我五

傳五年春王使榮叔來含且贈召昭公來會葬禮也

林成

風莊公之妾天子以夫人禮贈之明母以子貴故曰禮

○初郿叛楚即秦又貳于

楚

林郿楚屬國欲叛楚就秦既即秦又有貳心而從楚

夏秦人入郿○六人叛楚

即東夷秋楚成大心仲歸帥師滅六

杜六楚屬國林仲歸子家

○

冬楚子變滅蓼

杜蓼國今安豐縣。變息列反蓼音了字或作郡音同

臧文仲聞

六與蓼滅曰臯陶庭堅不祀忽諸德之不建民之無援

哀哉

杜蓼與六皆臯陶後也傷二國之君不能建德結援大國忽然而亡林庭堅臯陶字。陶音遙

晉陽處父聘于衛

林四年衛朝于晉故聘以報之

反過甯甯嬴從之

杜

晉邑汲郡修武縣也嬴逆旅大夫。嬴音盈

及溫而還其妻問之嬴曰以剛

言林

處父為人純乎任剛

商書曰沈漸剛克高明柔克

杜沈漸猶滯溺也高明猶亢爽

也言各當以剛柔勝已本性乃能成全也此在洪範今謂之商書林沈漸尚書作沈潛。漸似廉反

夫子

壹之其不沒乎

林處父純一於任剛其不得善終乎

天為剛德猶不干時

杜寒暑相順林天秉純陽故為剛德猶不干犯四時之序況在人乎且華而不實怨

之所聚也

林言過其行猶草木有華而不結實仇怨必聚會於其身

犯而聚怨不可

以定身

杜剛則犯人林不能以先定其身必過實也

余懼不獲其利而離其

難是以去之

林我懼從處父不獲成其身之利離遭也言處父遇禍則我以其黨必遭入於難杜

為六年晉救處父

○晉趙成子樂貞子霍伯曰季皆卒

杜成子趙衰新上軍帥中軍佐也貞子樂枝下軍帥也霍伯先且居中軍帥也曰季胥臣下軍佐也為六年蒐

於夷

傳

經庚子六年春葬許僖公

杜無傳

○夏季孫行父如陳

杜行父季孫友子

○秋季隸行父如晉○八月乙亥晉侯驩卒

杜再同盟
林襄公卒

明年子靈公夷臯
立。驩喚官反

○冬十月公子遂如晉葬晉襄公

杜卿

共葬事文襄之制
也三月而葬連

○晉殺其大夫陽處父

杜處父侵官宜
為國討故不

言賈○晉狐射姑出奔狄

杜射姑狐偃子賈季也奔例
在宣十年。射音亦一音夜

○閏月不告月猶朝于廟

杜諸侯每月必告朔聽政因朝
宗廟文公以閏非常月故闕

不告朔怠慢政事雖朝于廟則如勿朝故曰
猶猶者可止之辭。不告月月或作朔誤也

傳六年春晉蒐于夷舍二軍

杜僖三十一年晉蒐清原
作五軍今舍二軍復三軍

之制夷晉地前年四卿卒
故蒐以謀軍帥。舍音捨

使狐射姑將中軍

杜代先且
居。將子

匠趙盾佐之

杜代趙衰也趙盾衰子。看徒本反

陽處父至自溫

杜往年聘衛過溫

今始

改蒐于董易中軍

杜易以趙盾為帥射姑佐之河東汾陰縣有董亭

陽子

成季之屬也

杜處父嘗為趙衰屬大夫

故黨於趙氏且謂趙盾能曰

使能國之利也是以上之宣子於是乎始為國政

杜自中軍

佐推而上之使為元帥宣子趙盾諡也中軍乃晉政卿

制事典

林制國事之典常

正法罪

林正法罪之輕重

辟刑獄

林理刑獄之淹滯。辟婢亦反後同者更不音

董逋逃

林督竄逃

有罪之人。逋補吾反

由質要

林用質要券契之法

治舊滲

林治舊日滲穢不理之事。滲

鳥木反又作汙同

本秩禮

杜貴賤不失其本

續常職

杜修廢官

出滯淹

杜拔賢能也

既成

杜宣子既有成法

以授大傅陽子與大師賈佗使行諸晉

國以為常法

林處父時為大傅之官杜賈佗以公族從文公而不在五人之數。大音秦下同佗

徒何

○臧文仲以陳衛之睦也欲求好於陳夏季文子

聘于陳

林季文子即行父

且娶焉

杜臣非君命不越竟故因聘而自為娶。好呼報反娶七住

反

○秦伯任好卒

杜任好秦穆公名林子康公謹立。任音士

以子車氏之三

子奄息仲行鍼虎為殉

杜子車秦大夫氏也以人從葬為殉林秦穆公卒葬雍從死者

百七十七人子車氏三子與焉。車音居仲本亦作中音仲行戶郎反鍼其康反殉似俊反殺人從死曰殉字林

弋綱

皆秦之良也國人哀之為之賦黃鳥

杜黃鳥詩秦風義取黃鳥止于

棘桑往來得其所傷三
良不然。為于偽反

君子曰秦穆之不為盟主也宜

哉死而棄民

林善人者民之望也今殺之以殉葬是棄民之望

先王違世猶詒

之法

林古之先王違棄世故猶作法以遺子孫。詒以之反

而況奪之善人乎詩

曰人之云亡邦國殄瘁

杜詩大雅言善人亡則國瘁病。瘁似醉反

無善人之

謂

林國無善人所以致殄絕瘁病之禍

若之何奪之古之王者知命之不

長

林知有生必有死壽命之不可永長。王如字一音于況反

是以並建聖哲

杜建立聖知

以司樹之風聲

杜因土地風俗為立聲教之法

分之采物

林以旌旗衣服分別其采

章物色。分扶問反

著之語言

杜話善也為作善言道戒。話戶快反

為之律度

杜鍾律度量

所以治陳之藝極杜藝準也極中也貢獻多少之法歷明時傳曰貢之無藝又曰貢獻無極引

之表儀

杜引道也表儀猶威儀

予之法制

杜與天下以吉凶軍實嘉之法制

告之訓

典

杜訓典先王之書

教之防利

杜防惡興利

委之常秩

杜委任也常秩官司之常

職道之以禮則

杜開道天下以禮節法則

使毋失其土宜衆隸賴之

而後即命聖王同之

杜使民任之無失其土地之所宜衆民之隸于官于士于農工賈者

皆依賴其法而後就用上命古先聖王皆同此道

今縱無法以遺後嗣而又收

其良以死難以在上矣君子是以知秦之不復東征也

杜不能復征討東方諸侯為霸主。遺唯季反復扶又反

○秋季文子將聘于晉使求

遭喪之禮以行

杜季文子季孫行父也聞晉侯疾故

其人曰將焉用之

杜其從

者。馬於虔反

文子曰備豫不虞古之善教也求而無之實難

杜難

幸過求何害

杜所謂文子三思

○八月乙亥晉襄公卒靈公少

杜襄

公之子。少詩照反

晉人以難故欲立長君

杜立少君恐有難。難乃且反長丁丈反下皆同趙

孟曰立公子雍

杜趙孟趙盾也公子雍文公子襄公庶弟杜祁之子

好善而長先君愛

之且近於秦秦舊好也置善則固事長則順立愛則孝結

舊則安

林子雍好善而置立之則其位固居長而君事之則其理順為先君所愛而立之則能盡孝秦晉有

舅甥舊好而結之則可久安。好呼報反下皆同

為難故故欲立長君有此四德

者難必杼矣

杜杼除也。杼直呂反又時呂反

賈季曰

林即孤射姑

不如立

公子樂

杜樂又公子林懷嬴所生。樂音岳一音活

辰嬴嬖於二君

杜辰嬴懷嬴也

二君懷公文公也。嬖必計反

立其子民必安之趙孟曰辰嬴賤班在九

人

林言其卑賤班位在九人之下

其子何震之有

杜震威也

且為二嬖淫也為

先君子不能求大而出在小國辟也

林不能求仕於大國而仕於陳之小

國是辟陋也。辟匹亦反又作僻下同

毋淫子辟無威陳小而遠無援將何

安焉杜祁以君故讓偁姑而上之

杜杜祁杜伯之後祁姓也偁姑姑姓之女生襄

公為世子故杜祁讓使在已上。祁臣之反偁彼力反姑其吉反又其亡反

以狄故讓季隗

而已次之故班在四

杜以季隗是文公託狄時妻故復讓之然則杜祁本班在二。隗五

罪反

先君是以愛其子而仕諸秦為亞卿焉

杜亞次也言其賢故位尊

嫁反

亞於

秦大而近足以為援母義子愛足以威民

林杜祁能

讓伯姑季隗故為有義子雍有寵于文公故為有愛足以威服晉國之民

立之不亦可乎使

先蔑士會如秦逆公子雍

杜先蔑士伯也士會隨季也

賈季亦使召公

子樂于陳趙孟使殺諸郕

杜郕晉地。郕婢支反

○賈季怨陽子

之易其班也

杜本中軍帥易以為佐

而知其無援於晉也

杜少族多怨

九月賈季使續鞠居殺陽處父

杜鞠居狐氏之族

書曰晉殺其大

夫侵官也

杜君已命師處父易之故曰侵官

○冬十月襄仲如晉葬襄公

○十一月丙寅晉殺續簡伯

林討其殺處父也杜簡伯續鞠居十一月無丙寅十

二月八日也日月必有誤

賈季奔狄

杜射姑懼討而奔

宣子使史駢送其帑

杜帑妻子也宣子以賈季中軍之佐同官故夷之蒐

林在

今年

賈季戮史駢

林戮誅也非必殺死凡刑罰皆是時賈季為中軍以事誅罰史駢

駢之人欲盡殺賈氏以報焉史駢曰不可吾聞前志有

之曰敵惠敵怨不在後嗣忠之道也

林敵猶對也言有恩惠有怨讐與我

敵對者若在後世子孫則為非對非對是遷怒也。盡津忍反

夫子禮於賈季我以其

寵報私怨

林趙盾盡禮於賈季而送其妻子宣子使我送帑是寵任我也我反因其寵任以報私怨

毋乃不可乎介人之寵非勇也

杜介因也介音界

損怨益仇非

知也

杜殺季家欲以除怨宣子將復怨已足益仇。知音智

以私害公非忠也釋

此三者何以事夫子盡具其帑與其器用財賄親帥扞

之送致諸竟

杜扞衛也戶且反竟音境

○閏月不告朔非禮也

杜經

稱告月傳稱告朔明告月必以朔林非敬授人時之禮

閏以正時

杜四時漸差則致閏以正之

時

以作事

杜順時命事

事以厚生

林事不失時則年殺豐而民生厚

生民之道

于是乎在矣

林言其所闕者重

不告閏朔棄時政也

林是棄民之時與國

之政也

何以為民

○為如字治也或音于偽反非也

左傳杜林合注卷十五

欽定四庫全書

左傳杜林合注卷十六 明 王道焜

趙如源 同編

文公二

經

丑 辛

七年春公伐邾○三月甲戌取須句

杜須句魯之封內屬國也

信公反其君之後邾復滅之書取

遂城邾

杜無傳因伐邾師以城邾

易也倒在襄十三年○句其俱反

○夏四月宋公王臣卒

杜二年與魯大夫盟

城備邾難○邾音吾

於垂隴林成公卒昭公許

○宋人殺其大夫

杜宋人攻昭公并殺二

白立○王如字又往方反

大夫故以
非罪書

○戊子晉人及秦人戰于令狐

杜趙盾廢嫡而外求君故

敗稱人晉諱背先蔑而夜薄秦師以戰告林令狐秦地。令力呈反

○晉先蔑奔秦

杜不言出在

外

○狄侵我西鄙○秋八月公會諸侯晉大夫盟于扈

杜扈鄭地滎陽卷縣西北有扈亭不分別書會人總言諸侯晉大夫盟者公後會而及其盟林不序諸侯散辭也晉於是始失霸也。扈音戶

○冬徐伐莒

杜不書將帥徐夷告辭畧

公孫敖如莒

泣盟

泣音利又音類

傳七年春公伐邾間晉難也

杜公因霸國有難而侵小。問間廁之間或如字難乃

○三月甲戌取須句寘文公子焉非禮也

杜邾文公子叛在魯故

公使為守須句大夫也。絕大諱之祀以與鄰國。叛臣故曰非禮。寔之鼓反下同。

○夏四月宋

成公卒於是公子成為右師

杜莊公子

公孫友為左師

杜夷子

樂豫為司馬

杜戴公孫

鱗矐為司徒

杜植公孫矐舌亂

反

公子蕩為司

城

杜桓公子也以武公名廢司空為司城

華御事為司寇

杜華元父也傳言六卿皆公族昭公不

親信之所以致亂。御呂反本又作禦音同

昭公將去羣公子樂豫曰不可

公族公室之枝葉也

林公室猶木之本根公族其枝葉也

若去之則本根

無所庇廕矣葛藟猶能庇其本根

杜葛之能藟蔓繁滋者以本枝廕庇之多

杜葛之藟蔓繁滋者猶能庇其根本。去起呂反下同庇必利反又悲位反下同廕本又作蔭於鳩反藟本或作

藁力

軌反故君子以為比

杜謂詩人取以喻九族兄弟。此必爾反。

况國君乎此

諺所謂庇焉而縱尋斧焉者也

林八尺曰尋所以量木者也引俗諺所謂藉本

之庇而縱放尋以量之斧以伐之者也

必不可君其圖之親之以德皆股

肱也誰敢攜貳若之何去之不聽穆襄之族率國人以

攻公

杜穆公襄公之子孫昭公所欲去者

殺公孫固公孫鄭于公宮

杜二子在公

官故為亂兵所殺

六卿和公室樂豫舍司馬以讓公子邛

林右師等

六卿使穆襄之族與昭公為和。仲昭公弟樂豫以已昭之官遜之此以為和之道。舍音捨下同。仲五郎反。

公即位而葬

林然後宋國復安昭公即位而葬成公

書曰宋人殺其大夫

不稱名衆也且言非其罪也

杜不稱殺者及死者名殺者衆故名不可知死者無罪

則例不稱名

○秦康公送公子雍于晉曰文公之入也無衛

故有呂卻之難

杜傳二十四年文公入。難乃旦反

乃多與之徒衛穆嬴

日抱太子以啼于朝曰先君何罪其嗣亦何罪舍適嗣

不立而外求君將焉寘此

杜穆嬴襄公夫人靈公母也。嬴音盈適本又作嫡同丁

歷反焉於虔反下焉用同

出朝則抱以適趙氏頓首於宣子曰先君

奉此子也而屬諸子曰

林此述襄公屬託之辭。屬音燭

此子也才吾

受子之賜不才吾唯子之怨

杜欲使宣子教訓之

今君雖終言猶

在耳

杜在宣子之耳

而棄之若何宣子與諸大夫皆患穆嬴且

畏偪

杜音惠穆嬴之言有理且畏國人以大義來偪己。偪彼力反。

乃背先蔑而立靈

公

杜初使先蔑逆子雍故言背先蔑而立靈公即太子夷皋也。背音佩。

以禦秦師箕鄭居

守趙盾將中軍先克佐之

杜克先且居子代狐射姑。箕音基守手又反將子匡反下

同荀林父佐上軍

杜箕鄭將上軍居守故佐獨行

先蔑將下軍先都佐

之步招御戎戎津為右及董陰

杜先蔑士會逆公子雍前還晉晉人始以還雍

出軍卒然變計立靈公故車右戎御猶在職董陰晉地。招上送反董音謹一音斯。

宣子曰我

若受秦秦則賓也不受寇也

杜言秦送子雍若我受之則當以待賓客之禮待秦

若不受秦送子雍則當以治寇敵之法治秦

既不受矣而復緩師秦將生心

先人有奪人之心

林秦若知晉已立靈公必將生心謀害晉國先發制人可以奪敵人之戰

心掩其不備也。復扶又反先悉薦反有奪人之心本或此下有後人待其反誤

軍之善謀也

逐寇如追逃軍之善政也訓卒利兵秣馬蓐食潛師夜

起

杜蓐食早食於寢蓐也林潛師衝校使之無聲夜起掩秦之不備。卒子忽反秣音未蓐音辱

戊子

敗秦師于令狐至于刳首已丑先蔑奔秦士會從之

林從

刳首去也令狐在河東當與刳首相接。刳苦胡反

先蔑之使也荀林父止之曰

夫人太子猶在而外求君此必不行

林此事必不可行。使所吏反子

以疾辭若何不然將及

杜禍將及已

攝卿以往可也何必子同

官為寮吾嘗同寮敢不盡心乎弗聽為賦板之三章

杜板

詩大雅其三章義取芻蕘之言猶不可忽况同寮乎傳二十八年林父將中行先幾將左行。寮本又作僚力

彫反為子偽反

又弗聽及亡

林及先幾奔秦

荀伯盡送其帑及

下為同寮同

其器用財賄於秦曰為同寮故也

杜荀伯林父

士會在秦三

年不見士伯

杜士伯先幾

其人曰能亡人於國

杜言能與人俱亡於晉國

不能見於此焉用之

杜何用如此

士季曰吾與之同罪

杜俱有迎

公子雍之罪

非義之也將何見焉

杜言同罪故同奔非慕先幾之義而從之何以見先

為及歸遂不見

杜賁先蔑為正卿而不匡諫且俱出奔惡有黨也士會歸在十三年

○秋

侵我西鄙公使告于晉趙宣子使因賈季問鄆舒且讓

之

林時賈季奔在秋故趙宣子使人因賈季介紹以問勞鄆舒杜鄆舒秋相讓其伐魯。鄆芳忠反

鄆

舒問於賈季曰趙衰趙盾孰賢對曰趙衰冬日之日也

趙盾夏日之日也

杜冬日可愛夏日可畏

○秋八月齊侯宋公衛侯

陳侯鄭伯許男曹伯會晉趙盾盟于扈晉侯立故也公

後至故不書所會凡會諸侯不書所會後也

杜不書所會謂不具

列公侯及卿大夫

後至不書其國辟不敏也

林後至則不書其國之主名避不敏

于會事也此傳還
自繹凡例之意

○穆伯娶於莒曰戴已生文伯其娣

聲已生惠叔

杜穆伯公孫教也文伯教也惠叔難也。已音紀一音祀娣大計反

戴已卒

又聘于莒莒人以聲已辭

林莒人辭以戴已雖死其娣聲已尚在當繼室

則為

襄仲聘焉

林襄仲與公子遂公孫教從父昆弟。為于偽反下且為自為同

冬徐伐莒

莒人來請盟

杜見伐故欲結援

穆伯如莒涖盟且為仲逆及鄆

陵登城見之美

杜鄆陵莒邑。鄆於晚反

自為娶之仲請攻之公將

許之叔仲惠伯諫

杜惠伯叔牙孫

曰臣聞之兵作於內為亂於

外為寇寇猶及人亂自及也

林兵戈之起于國家之內則為內亂於邊鄙之外則

為外寇猶及於他
人亂則自及其身
今臣作亂而君不禁以啟寇讐

林魯

國有亂則將
開寇讐之心
若之何公止之惠伯成之

杜平

使仲舍之

杜舍不娶
舍音捨
公孫敖反之

杜還

復為兄弟如初從之

杜為

公孫敖奔莒
復音服又扶人反
○晉卻缺言於趙宣子曰日衛不睦

故取其地

杜日往日取

今已睦矣可以歸之叛而不討

何以示威服而不柔何以示懷

杜柔

非威非懷何以示

德無德何以主盟子為正卿以主諸侯而不務德將若

之何夏書曰

林夏書

戒之用休

林休美也人有美德則以休美警戒之使有無

窮之休美
休許蚪反

董之用威

杜董督也有罪則督之以威刑

勸之以九歌勿使

壞

林復以九叙之歌勸勉之使歌咏其事樂以忘勞使九功勿壞

九功之德皆可歌也

謂之九歌六府三事謂之九功水火金木土穀謂之六

府

林六者人之府藏也疏鑿鑽灼鍛鑄刻削耕墾播種則六者有無窮之用故謂之府藏

正德利

用厚生謂之三事

林三者國之政事也正民之德使無偏而無黨利民之用使求得而欲遂

厚民之生使家給人足故謂之政事

義而行之

林六府三事皆合其宜而行之

謂之德

禮

杜德正德也禮以制財用之節又以厚生民之命

無禮不樂

林若無禮以制財用厚生民則

民不樂樂音洛

所由叛也若吾子之德莫可歌也其誰來之

杜來猶歸也。盍使睦者歌吾子乎。林何不歸衛侵田使諸侯睦于晉者歌詠吾子之

德乎。盍宣子說之。杜為明年晉歸鄭衛田張本。說音悅

經壬寅八年春王正月○夏四月○秋八月戊申天王崩

林襄王崩子頃王立○冬十月壬午公子遂會晉趙盾盟于衡雍

杜壬午月五日林衡雍鄭地。雍於用反○乙酉公子遂會雒戎盟于暴杜乙

丙月八日也暴鄭地公子遂不受命而盟宜去族善其解國患故稱公子以貴之。會雒戎本或作伊雒之戎

此後人妄取傳丈加耳雒音洛○公孫敖如京師不至而復丙戌奔莒

杜不言出受命而出自外行○螽杜無傳為災故書○宋人殺其大夫司馬宋司

城來奔

杜司馬死不舍節司城奉身而退故皆書官而不名貴之

傳八年春晉侯使解揚歸匡戚之田于衛

林解揚晉大夫杜匡本衛

邑中屬鄭孔達伐不能克今晉令鄭還衛及取戚田皆見元年。解音蟹

且復致公壻池之

封自申至于虎牢之竟

杜公壻池晉君女壻又取衛地以封之今并還衛也申鄭地傳

言趙盾所以能相幼主而盟諸侯。復狀又反壻音細俗作壻竟音境。

○夏秦人伐晉取

武城以報令狐之役

杜令狐役在七年

○秋襄王崩

杜為公孫敖如周弔傳

○

晉人以扈之盟來討

杜前年盟扈公後至

○冬襄仲會晉趙孟盟

于衡雍報扈之盟也

杜以扈盟後至故盟衡雍以報之

遂會伊雒之戎

杜伊雒之戎將伐魯公子遂不及復君故專命與之盟

書曰公子遂珍之也

杜珍貴也大夫出

竟有可以安社稷利

國家者專之可也

○穆伯如周弔喪不至以幣犇莒

從已氏焉

杜已氏莒女林以弔周之幣奔莒從前年還莒之女

○宋襄夫人襄王

之姊也昭公不禮焉

杜昭公適祖母

夫人因戴氏之族

杜華樂皇皆戴

族

以殺襄公之孫孔叔公孫鍾離及大司馬公子卬皆

昭公之黨也司馬握節以死故書以官

杜節國之符信也握之以死示不

廢司城蕩意諸來奔效節於府人而出

杜效猶致也意諸公子蕩之孫

教反

公以其官逆之皆復之亦書以官皆貴之也

杜卿達

從大夫公賢其敘節故以本官逆之請○夷之蒐晉侯宋而復之司城官屬悉來奔故言皆復

將登箕鄭父先都

杜登之於上軍也夷蒐在六年

而使士穀梁益耳將

中軍

杜士穀本司空。穀戶木反將子匡反

先克曰狐趙之勲不可廢也

杜狐偃趙衰有從亡之勲

從之

林六年以狐射姑趙盾為中軍將佐

先克奪蒯得田于

董陰

杜七年晉禦秦師於董陰以軍事奪其田也先克中軍佐。蒯苦曠反

故箕鄭父先

都士穀梁益耳蒯得作亂

林傳著五人作亂之由為明年殺先克張本

經癸卯九年春毛伯來求金

杜求金以共葬事雖踰年而未莖故不稱王使村求金止

此自是魯雖不修貢周無求矣

○夫人姜氏如齊

杜無傳歸寧

○二月叔孫得

臣如京師辛丑葬襄王

杜卿共葬事禮也林前年公子遂葬襄公今年得臣蓋襄王是

夷周於晉也

○晉人殺其大夫先都

杜下軍佐也以作亂討故書名

○三月

夫人姜氏至自齊

杜無傳告于廟

○晉人殺其大夫士穀及箕

鄭父

杜與先都同罪也

○楚人伐鄭

杜楚子師于狼淵不親伐

○公子遂會晉

人宋人衛人許人救鄭○夏狄侵齊

杜無傳

○秋八月曹伯

襄卒

杜無傳七年同盟于扈林襄公卒子文公壽立

○九月癸酉地震

杜無傳地道安靜

以動為異故書

○冬楚子使椒來聘

杜稱君以使大夫其禮辭與中國同椒不書氏史畧

文林楚君臣始並見於經

○秦人來歸僖公成風之襚

杜衣服曰襚秦辟陋故不

稱使不稱夫人從來者辭。秘音遂說文作視云贈終者衣被曰視以此視為衣死人衣

○葬曹共

公

杜無傳○共音蔡

傳九年春王正月己酉使賊殺先克

杜箕鄭等所使也亂殺先克不赴故

不書乙丑晉人殺先都梁益耳

杜乙丑正月十九日經書二月從告

毛伯衡

來求金非禮也

杜天子不私求財故曰非禮

不書王命未葬也○二月

莊叔如周葬襄王

林莊叔即得臣

○三月甲戌晉人殺箕鄭父

士穀蒯得

杜梁益耳蒯得不書皆非卿

○范山言於楚子曰晉君少

不在諸侯北方可圖也

杜范山楚大夫林時晉靈公幼小志不在於諸侯楚居南方故

言北方諸侯可圖也。少詩照反。

楚子師于狼淵以伐鄭。

杜陳師狼淵為伐鄭援也。

潁川潁陰縣西有狼陂。

囚公子堅公子尤及樂耳。

林生獲曰囚杜三子鄭大夫。

江反。

鄭及楚平。○公子遂會晉趙盾宋華耦衛孔達許

大夫救鄭不及楚師卿不書緩也以懲不恪。

林以懲諸大夫奉命

出會而不共恪者杜華耦華父督曾孫公子遂獨不在。貶者諸魯事自非指為其國褒貶則皆從國史不同之。於他國此春秋大意他皆倣此。懲直升反恪苦各反。

○夏楚侵陳克壺丘

杜壺丘陳

以其服於晉也。○秋楚公子朱自東夷伐陳。

杜子朱息公也。

陳人敗之獲公子伐陳懼乃及楚平。

杜以小勝大故懼而請平也傳言晉

君少楚陵中國明年所以有厥貉之會。茂扶廢反

○冬楚子越椒來聘執幣傲

杜子越椒令尹子文從子傲不敬。傲五報反下同

叔仲惠伯曰是必滅若敖氏

之宗傲其先君神弗福也

杜十二年傳曰先君之敵器使下臣致諸執事明奉使皆

告廟故言傲其先君也為宣四年楚滅若敖氏張本林鬼神害盈而福謙則知越椒之傲神弗福也。傲五刀反

○秦人來歸僖公成風之祔禮也

杜秦慕諸夏欲通敬於魯因有翟泉之盟故

追贈僖公并及成風本非魯方嶽同盟無相赴弔之制故不識其緩而以接好為禮

諸侯相弔賀

也雖不當事苟有禮焉書也以無忘舊好

杜送死不及尸故曰不當

事書者書於典策垂示子孫使無忘過厚之好

經甲辰十年春王三月辛卯臧孫辰卒杜無傳公與小斂故書日○夏

秦伐晉杜不稱將帥告辭畧林狄秦也楚之霸秦之力也於是狄秦夏之變於夷秦為之也又二十年

而狄鄭又五十年而狄晉狄鄭猶可也狄晉甚矣○楚殺其大夫宜申杜宜申子西也謀

弑居故書名○自正月不雨至于秋七月杜無傳義與二年同○及蘇

子盟于女栗杜女栗地名閭蘇子周卿士頃王新立故與魯盟親諸侯也。女音汝一音如字○

冬狄侵宋杜無傳○楚子蔡侯次于厥貉杜厥貉地名閭將伐宋而未行故書

次林以見楚之圖伯而未集也是故書次于邠以見齊霸之難書次厥貉以見楚霸之難

傳十年春晉人伐秦取少梁杜少梁馮翊夏陽縣秦邑。少商照反夏秦

伯伐晉取北徵

林晉邑報少梁也。徵如字三蒼云縣屬馮翊音慾一音張里反

○初

楚范巫喬似

杜喬似范邑之巫。喬尹必反

謂成王與子玉子西曰三

君皆將強死

林言三君皆將不得以壽終。強其文反

城濮之役王思之故

使止子玉曰毋死不及止子西子西縊而縣絕

杜在僖二十八年

。漢音卜母音無繼一跂反縣音懸

王使適至遂止之

林傳言子西所以不死。使所吏反

使為商公

杜商楚邑今上雒商縣林楚僭王其縣尹皆稱公

泌漢沂江將入郢

杜泌順流沂逆流林郢楚都。泌悅專反沂息路反郢以并反又以政反

王在渚宮

杜小洲曰渚。

渚章反下見之懼而辭

林子西倉卒見王而懼以辭謝王

曰臣免於死又

有讒言謂臣將逃臣歸死於司敗也

杜陳楚名司寇為司敗子西畏讒言

不敢之

王使為工尹

杜掌百工之官

又與子家謀弑穆王穆王

聞之五月殺闕宜申及仲歸

杜仲歸子家不書非卿

○秋七月及

蘇子盟于女栗頃王立故也

杜僖十年狄滅溫蘇子奔衛今復見蓋王復之

○

陳侯鄭伯會楚子于息冬遂及蔡侯次于厥貉

杜陳鄭及宋麋子不

書者宋鄭執卑苟免為楚僕任受役於司馬麋子恥之遂逃而歸三君失位降爵故不列於諸侯宋鄭猶然則

陳侯必同也

將以伐宋宋華御事曰楚欲弱我也先為之弱

乎何必使誘我我實不能民何罪乃逆楚子勞且聽命

杜時楚欲誘呼宋共戰御
事華元父。勞力報反。

遂道以田孟諸

杜孟諸宋大
藪也在梁國

睢陽縣東北

。道音導

宋公為右孟鄭伯為左孟

杜孟田獵陳名
孟音于

期

思公復遂為右司馬

杜復遂楚期思邑
公今弋陽期思縣

子朱及文之無

畏為左司馬

林子朱無畏皆楚大夫將獵張兩甄故
置二左司馬然則右司馬一人當中央

命

夙駕載燧

林命諸侯從田者早駕馬於車載燧以備
取火之用。命眉病反燧音遂本又作婆

宋

公違命

杜不夙
駕載燧

無畏扶其僕以徇

林捷宋昭公之御者
以徇于諸侯正違命

之罰。扶耽乙
反徇似俊反

或謂子舟曰國君不可戮也子舟曰當

官而行何彊之有

杜子舟無畏字林言當官而行刑罰
不當以宋君為強而避之也。舟音

州詩曰剛亦不吐柔亦不如杜詩大雅美仲山甫不辟彊禦。茹如呂反。母

縱詭隨以謹罔極

杜詩大雅詭人隨人無正心者謹猶慎也罔無也極中也。詭九委反。

是亦非辟彊也

林此兩詩之意皆非見彊禦而避之也。

敢愛死以亂官乎

杜為宣十四年宋人殺子舟張本

○厥貉之會麋子逃歸

杜為明年楚子伐麋傳

經

乙

十有一年春楚子伐麋

杜討前年逃厥貉會林楚書君將於是始自是楚師

必國滅而後貶人之。麋九倫反。

○夏叔仲彭生會晉卻缺于承匡

杜承

匡宋地在陳留襄邑縣西彭生叔仲惠伯卻缺冀缺。叔仲彭生叔又作州本。或作叔彭生仲衍字缺立悅反。

○秋曹伯來朝○公子遂如宋○狄侵齊○冬十月甲

午叔孫得臣敗狄于鹹

杜鹹魯地。鹹音咸。

傳十一年春楚子伐麋成大心敗麋師于陳渚

杜成大心子玉

之子大孫伯也陳渚麋地

潘崇復伐麋至于錫穴

林潘崇楚大師錫穴麋地麋未服故

。復扶人反錫音羊或作錫星歷反

○夏叔仲惠伯會晉卻缺于承匡謀

諸侯之從于楚者

杜九年陳鄭及楚平十年宋聽楚命

○秋曹文公來朝

即位而來見也

林曹文公九年即位故來見于魯。見賢遍反

○襄仲聘于宋

且言司城蕩意諸而復之

杜八年意諸來奔歸不書史失之

因賀楚師

之不害也

杜往年楚次厥貉將以伐宋

○鄭瞞侵齊

杜鄭瞞秋國名防風之後漆姓

。鄭所求反說文作郭云北方長狄國也
在夏為防風氏族為注芒氏瞞莫干反

遂伐我公卜

使叔孫得臣追之吉侯叔夏御莊叔

杜莊叔得臣夏戶雅反

繇房

甥為右富父終甥駟乘

杜駟乘四人共車乘繩證反下同

○冬十月甲

午敗狄于鹹獲長狄僑如

杜僑如鄭瞞國之君蓋長三丈獲僑如不書賤夷狄也僑

本文作喬其驕反長如字又直亮反

富父終甥撻其喉以戈殺之

杜撻猶衝也撻

舒容反喉音侯戈古木反

埋其首於子駒之門

杜子駒魯郭門骨節非常恐後世怪之故

詳其處

以命宣伯

杜得臣待事而名其三子因名宣伯曰僑如以旌其功

初宋武公之

世鄭瞞伐宋

杜在春秋前

司徒皇父帥師禦之彫斑御皇父克

石

杜皇父戴公子充石皇父名
禦本亦作御魚呂。耐音而

○公子穀甥為右司寇

牛父駟乘以敗狄于長丘

杜長丘
宋地

獲長狄緣斯

杜緣斯僑
如之先

皇

父之二子死焉

杜皇父與穀甥及牛父
皆死故耐斑獨受賞

宋公於是以門賞

耐斑使食其征

杜門闕門
征稅也

謂之耐門

林以門賞耐斑故
以斑之姓名其門

晉之滅潞也

杜在宣十五年
潞音路

獲僑如之弟焚如齊襄公之

二年

杜魯桓之
十六年

鄭瞞伐齊齊王子成父獲其弟榮如

杜榮
如即

焚如之弟焚如後死而先說者欲其兄弟伯季相次榮

如以魯桓十六年死至宣十五年一百三歲其兄猶在

傳言既長且壽有異於
人王子成父齊大夫

埋其首於周首之北門

杜周首
齊邑濟

北北穀城縣東衛人獲其季弟簡如杜伐齊退走至衛見獲鄭瞞由是

遂亡杜長秋之種絕○邲太子朱儒自安於夫鍾杜安處也夫鍾邲邑。邲音

成儒如朱國人弗徇杜徇順也為明年邲伯來奔傳。徇侶俊反

經兩十有二年春王正月邲伯來奔林此邲太子朱儒也其曰邲伯見魯

以諸侯之禮逆之也是故邲太子朱儒魯謂之邲伯晉太子州蒲晉謂之晉侯從而書之徒見其悖禮焉者爾

○杞伯來朝杜復稱伯舍夷禮○二月庚子子叔姬卒杜既嫁成人雖見出棄

錄猶以恩其卒○夏楚人圍巢杜巢吳楚間小國廬江六縣東有居巢城○秋滕子

來朝○秦伯使術來聘杜術不稱氏史畧文林秦君臣始並見○冬十有

二月戊午晉人秦人戰于河曲

杜不書敗績交綏而退不大崩也稱人秦晉無

功以微者告也皆陳曰戰例在莊十一年河曲在河東蒲坂縣南

○季孫行父帥師城

諸及鄆

杜鄆莒魯所爭者城陽姑幕縣南有員亭員即鄆也以其遠偏外國故帥師城之。鄆音運

傳十二年春邲伯卒

林朱儒邲人立君於外邑故

太

子以夫鍾與邲邾來奔

杜邲邾亦邑邲音圭

公以諸侯逆之

林

重土地故以諸侯禮逆之

非禮也

杜非公寵叛人

故書曰邲伯來奔不書地

尊諸侯也

杜既尊以為諸侯故不復見其竊邑之罪所以深責魯也

○杞桓公來朝

始朝公也

杜公即位始來朝

且請絕叔姬而無絕昏公許之

杜

絕昏立其婦以為夫人
不書來歸未笄而卒

二月叔姬卒不言杞絕也

杜既許其絕故不

言杞書叔姬言非女也

杜女未嫁而卒不書

○楚令尹大孫伯卒成

嘉為令尹

杜若教曾孫子孔

羣舒叛楚

杜羣舒偃姓舒庸舒鳩之屬今廬江南有舒城舒城

西南有龍舒

夏子孔執舒子平及宗子遂圍巢

杜平舒君名宗巢二國羣

舒之屬

○秋滕昭公來朝亦始朝公也○秦伯使西乞術

來聘且言將伐晉襄仲辭玉

林魯以秦將伐晉故辭玉

曰君不忘先

君之好照臨魯國

林言其光寵魯國如日月之照臨

鎮撫其社稷重之

以大器寡君敢辭玉

杜大器圭璋也不欲與秦為好故辭玉。好呼報反下皆同重直用反

對曰不腆敝器不足辭也

杜腆厚也。腆他典反。

主人三辭賓答

曰寡君願徼福于周公魯公以事君

林主人即襄仲賓即西乞術杜微要

也魯公伯禽也言願事君以并蒙先君之福。微古亮反。

不腆先君之敝器使下臣

致諸執事以為瑞節

杜出聘必告廟故稱先君之器林節信也以圭璋為信故言以為瑞

節。瑞垂偽反。

要結好命

林要約交結二國交好之命

所以藉寡君之命結二

國之好

杜藉薦也。藉在夜反。

是以敢致之襄仲曰不有君子其能

國乎國無陋矣厚賄之

杜賄贈送也。賄呼罪反。

○秦為令狐之役

故冬秦伯伐晉取羈馬

杜令狐役在七年羈馬晉邑。為于偽反令力丁反。

晉人禦之趙盾將中軍荀林父佐之

杜林父代先克。將子匡反下皆同。

卻缺將上軍

杜代箕鄭

史駢佐之

杜代林父。駢步邊反。

欒盾將下軍

杜欒枝子代先蔑。欒力官反盾徒本反。

胥甲佐之

杜胥臣子代先都

范無恤御戎

杜代

步

以從秦師於河曲史駢曰秦不能久請深壘固軍以

待之

林請深溝高壘堅固軍屯待秦自退而擊之勿與戰。壘力執反。

從之秦人欲戰

秦伯謂士會曰若何而戰

杜晉士會七年奔秦

對曰趙氏新出其

屬曰史駢必實為此謀將以老我師也

杜史駢趙盾屬大夫新出佐上

軍趙有側室曰穿晉君之壻也

杜側室支子穿趙風庶孫。穿音川

有寵

而弱不在軍事

林君瑛故有寵年少故弱未嘗涉知軍事

好勇而狂且惡史

駢之佐上軍也若使輕者肆焉其可

林言若使輕兵暫往攻之而速退則

激怒趙穿可得一戰。惡鳥路反輕遣政反肆音四

秦伯以璧祈戰於河

杜禱求勝十

二月戊午秦軍掩晉上軍

林秦從士會之計以輕兵掩襲晉之上軍

趙穿追

之不及

杜上軍不動趙穿獨追之

反怒曰裒糴坐甲

林裒糴包裒糴食也坐甲戰士

被甲不得復卧坐而待敵也。裒音果

固敵是求敵至不擊將何俟焉軍

吏曰將有待也

杜待可擊

穿曰我不知謀將獨出乃以其屬

出宣子曰秦獲穿也獲一卿矣

杜僖三十三年晉侯以一命命卻缺為卿不在

軍帥之數然則晉自有散位從卿者秦以勝歸我何以報乃皆出戰交綏

杜司馬法曰逐奔不遠從綏不及逐奔不遠則難誘從綏不及則難陷然則古名退軍為綏秦晉志未能堅戰短

兵未至爭而兩退故曰交綏秦行人夜戒晉師曰兩君之士皆未慙

也明日請相見也杜慙缺也。慙魚覲反又魚轄反。方言云傷也字林云問也牛吝反。失

駢曰使者目動而言肆懼我也杜目動心不安言肆聲放失常節。使所吏反。

將遁矣薄諸河必敗之杜薄迫也。遁徒困反薄蒲莫反下同敗卑賣反。胥甲

趙穿當軍門呼曰死傷未收而棄之不惠也不待期而

薄人於險無勇也乃止杜晉師止為宣元年放胥甲傳。秦師夜遁復侵

晉入瑕

又反。復扶。

○城諸及鄆書時也

林得城築之時

經丁未十有三年春王正月○夏五月壬午陳侯朔卒

杜無

傳再同盟林共公卒子靈公平國立

○邾子蘧蔭卒

杜未同盟而赴以名林文公卒子定公獯

且立。蘧其居反蔭文居反

○自正月不雨至于秋七月

杜無傳義與二年同

○大室屋壞

杜大廟之室。大音泰傳同

○冬公如晉衛侯會公於沓

杜沓地闕。沓徒答反

○狄侵衛

杜無

○十有二月己丑公及晉侯盟

杜十二月無己丑己丑十一月十一日

○公還自晉鄭伯會公于棗

林棗地

楚次厥貉而晉遂不競於是公朝晉衛侯會公公還自晉鄭伯會公諸夏之懼甚矣。棗勞味反又非尾反

傳十三年春晉侯使詹嘉處瑕以守桃林之塞

杜詹嘉晉大夫

賜其瑕邑令師衆守桃林以備秦桃林在弘農華陰縣東潼關。詹章廉反塞悉代反

晉人患秦

之用士會也

林晉以前年士會為秦畫計故患秦用之

夏六卿相見於諸浮

杜諸浮晉地

趙宣子曰隨會在秦賈季在狄難日至矣若之何

林隨會即士會杜六年賈季奔狄。難乃旦反日人實反

中行桓子曰請復賈季

杜中

行桓子荀林父也僖二十八年始將中行政以為氏。行戶部反

能外事

林用賈季能任在外之事

且由舊勲

杜有狐偃之舊勲

卻成子

林即卻缺

曰賈季亂且罪大

杜殺

陽處父故

不如隨會能賤而有恥柔而不犯

林能處卑賤而有康恥之心雖

善柔順而不

可犯以不義其知足使也且無罪

林其奔秦以迎子雍之故非其罪也。知

智

乃使魏壽餘僞以魏叛者以誘士會執其帑於晉使

夜逸

杜魏壽餘畢萬之後帑壽餘子。帑音奴

請自歸于秦

林壽餘請以私邑自歸降于秦

秦伯許之

杜許受其邑

履士會之足于朝

杜躡士會足欲使行

秦伯師

于河西

杜將取魏

魏人在東

杜今河北縣於秦為在河之東

壽餘曰請東人

之能與夫二三有司言者吾與之先

杜欲與晉人在秦者共先告喻魏有

司。夫音扶

使士會士會辭曰晉人虎狼也若背其言臣死

妻子為戮無益于君不可悔也

林言晉人虎狼之性秦不可測若反背其言不

以魏降秦臣往魏必為晉人所殺妻子留秦必被誅戮
無補益於秦君追悔亦不可及杜辭行示已無去心。

背音佩

秦伯曰若背其言所不歸爾帑者有如河

杜言必歸

其妻子明白如河林蓋

乃行繞朝贈之以策

杜策馬馵臨別授之

馵如字又張遠反策本又作笑初革反

曰子無謂秦

無人吾謀適不用也

杜示已覺其情

既濟魏人譟而還

杜喜得士會。

譟素報反

秦人歸其帑其處者為劉氏

林秦康公不背指河之誓歸士

會妻子于晉其處秦不歸者別為劉氏
杜士會堯後劉累之盾別族復累之姓

○邾文公卜遷

于繹

杜繹邾邑魯國鄒縣北有繹山。繹音亦

史曰

杜邾大史掌龜卜者

利於民而不

利於君邾子曰苟利於民孤之利也天生民而樹之君

以利之也民既利矣孤必與焉左右曰命可長也君何

弗為邾子曰命在養民

林言國家之命在於養育民人民生厚用利則大命不窮。與

音死之短長時也民苟利矣遷也吉莫如之

杜左右以一人之命

為言文公以百姓之命為主一人之命各有短長不可如何百姓之命乃傳世無窮故從也

遂遷于

繹五月邾文公卒君子曰知命

林君子謂邾文公知天命之在民不以死生惑

其心所謂知命也

○秋七月大室之屋壞書不共也

杜簡慢宗廟使至傾圮

故書以見臣子不共

○冬公如晉朝且尋盟

林尋八年衛雍之盟

衛侯會公

于胥請平于晉公還鄭伯會公于棐亦請平于晉公皆

成之

杜鄭銜貳于楚畏晉故因公請平

鄭伯與公宴于棐子家賦鴻雁

杜子家鄭大夫公子歸生也鴻雁詩小雅義取侯伯哀恤寡有德行之勞言鄭國寡弱欲使魯侯還晉邇之

季文子曰寡君未免于此

杜言亦同有微弱之憂

文子賦四月

杜四月詩

小雅義取行役踰時思歸念祀不歲為還晉

子家賦載馳之四章

杜載馳詩廊風四章

杜載馳詩廊風四章

欲引大國以救助國有急

文子賦采芣之四章

杜采芣詩小雅取其豈敢

定居一月三捷許為鄭還不敢安居

鄭伯拜

杜謝公為行

公答拜

左傳杜林合注卷十六

欽定四庫全書

經部

左傳杜林合注卷

二十七至

詳校官監察御史_臣祝德麟

給事中_臣溫常綬覆勘

總校官編修_臣王燕緒

校對官員外_臣張慎和

謄錄監生_臣江右端

欽定四庫全書

左傳杜林合注卷十七

王道焜

趙如源 同編

文公三

經中十有四年

林果年周頃王崩于匡
王立春秋皆不書崩葬

春王正月公至

自晉

杜無傳
告於廟

○邾人伐我南鄙叔彭生帥師伐邾○夏

五月乙亥齊侯潘卒

杜七年盟於扈乙亥四月二十九
日書五月從赴林昭公卒子舍立

○潘判

○六月公會宋公陳侯衛侯鄭伯許男曹伯晉

于反

趙盾癸酉同盟於新城

杜新城宋地在梁國穀熟縣西

秋七月有星孛

入於北斗

李彗也既見而後入北斗非常所有故書之。李音佩徐扶情反

○公至自

會

無傳

○晉人納捷菑於邾弗克納

杜邾有成君晉趙盾不度於義而大興諸

侯之師涉邾之竟見辭而退雖有服義之善所興者廣所害者衆故貶稱人。菑側其反

○九月甲

申公孫敖卒於齊

既許復之故從大夫例書卒

○齊公子商人弑其

君舍

舍未逾年而稱君者先君既葬舍已即位弑君例在宣四年林商人弑舍自立是為懿公舍未踰年

稱君者正商人罪也

○宋子哀來奔

大夫奔例書名氏貴之故書字

○冬單伯

如齊

單伯周卿士為魯如齊故書。單音善

○齊人執單伯

諸侯無執王使之義故不

依行人例

○齊人執子叔姬

叔姬魯女齊侯舍之母不稱夫人自魯錄之父母辭

傳十四年春頃王崩周公閱與王孫蕪爭政故不赴凡

崩薨不赴則不書禍福不告亦不書

奔亡禍也歸復福也。頃音傾閱音

悅

懲不敬也

杜欲使怠慢者自戒。懲直升反

○邾文公之卒也

在前年

公使弔焉不敬邾人來討

林邾人來治魯使不敬之罪

伐我南鄙故

惠伯伐邾

林惠伯即叔彭生報南鄙之役也

○子叔姬妃齊昭公生舍

叔姬無寵舍無威公子商人驟施於國

杜驟數也商人桓公子。妃音

配本亦作配驟仕救反施式豉反

而多聚士盡其家貸於公有司以繼

之杜家財盡從公及國之有司富者夏五月昭公卒舍

貸。

盡津忍反貸音待又音忒

即位○邾文公元妃齊姜生定公二妃晉姬生捷菑文

公卒邾人立定公捷菑奔晉○六月同盟於新城從於

楚者服

杜從楚者陳鄭宋

且謀邾也

杜謀納捷菑

○秋七月乙卯夜

齊商人弑舍而讓元

杜元商人兄齊惠公也書九月從告七月無乙卯日誤。弑本作殺

音試元曰爾求之久矣我能事爾爾不可使多蓄憾杜不為君

則恨多。蓄勅六反本又作憾憾本又作憾戶暗反將免我乎爾為之杜言將復殺我○

有星孛入於北斗周内史叔服曰不出七年宋齊晉之

君皆將死亂

杜後三年宋弒昭公五年齊弒懿公七年晉弒靈公史服但言事微而不論其占固

非末學所得詳言

○晉趙盾以諸侯之師八百乘納捷菑於邾

八百乘六萬人言力邾人辭曰齊出纍且長

林纍且定公齊姜所

生居長。纍俱縛反徐居碧反且子餘反長丁丈反

宣子曰辭順而弗從不祥乃

還

杜立適以長故曰辭順林傳言宣子聞義而服

○周公將與王孫蘇訟於晉

王叛王孫蘇

杜王匡王叛不與

而使尹氏與聃啓訟周公於晉

杜訟理之尹氏周卿士聃啓周大夫。聃乃甘反

趙宣子平王室而復之

杜復使和

親

○楚莊王立

杜穆王子也

子孔潘崇將襲羣舒使公子燮

與子儀守而伐舒蓼

即羣舒。變昔協反。守手又反。蓼音了。

二子作亂城

郢而使賊殺子孔不克而還八月二子以楚子出將如

商密

杜國語曰楚莊王幼弱子儀為師王子變為傳。還音旋。

廬戢黎及叔麋誘之

遂殺鬬克及公子變

杜廬今襄陽中廬縣戢黎廬大夫叔麋其佐鬬克子儀也。廬力於

反又音廬戢側立反廩九倫反

初鬬克囚於秦

在僖二十五年秦有殽之敗

三十三年

而使歸求成成而不得志

杜無賞報也

公子變求令尹

而不得故二子作亂

杜傳言二子作亂之由杜傳言楚莊幼弱國內亂所以不能與晉競

穆伯之從已氏也

在八年。己音紀又音祀

魯人立文伯

穆伯之子穀也穆

伯生二子於莒而求復文伯以為請襄仲使無朝聽命

復而不出

杜不得使與聽政事終寢於家故出入不書林襄仲與穆伯爭妻者使穆伯復國而無朝

於君不得使與聽魯國政事穆伯急於復國故聽襄仲無朝之命既復國而不出入終寢於家。為如字又於

偽反下為請同十五年亦放此

三年而盡室以復適莒文伯疾而請

及林

文伯疾病而請立後於君盡津忍反復扶又反

曰穀之子弱

杜子孟獻子年尚少

請立

難也

林請立難為孟氏後難穀弟。難乃多反又如字

許之文伯卒立惠叔穆

伯請重賂以求復惠叔以為請許之將來九月卒於齊

告喪請葬弗許

請以卿禮葬

○宋高哀為蕭封人以為卿

杜蕭

宋附庸仕附庸還升為卿

不義宋公而出遂來奔

杜放所出而待放從書

曰宋子哀來奔貴之也

貴其不食汙君之祿辟禍速也

○齊人定懿公

使來告難故書以九月

杜齊人不服故三月而後定書以九月明經日月皆從赴。難

乃旦反

齊公子元不順懿公之為政也

懿公之兄終不曰

公曰夫已氏

猶云某甲。夫音扶已音紀

○襄仲使告於王請以王

寵求昭姬於齊

林請借周之恩寵以請齊求歸子叔姬

曰殺其子焉用其

母請受而罪之冬單伯如齊請子叔姬齊人執之

杜恨魯恃

王勢以求女故馬於虔反

又執子叔姬

杜欲以辱魯

經已酉十有五年春季孫行父如晉○三月宋司馬華孫

來盟

華孫奉使隣國能臨事制宜至魯而後定盟故不稱使其官皆從故書司馬。華戶化反○夏

曹伯來朝○齊人歸公孫敖之喪

大夫喪還不書善魯感子以赦父敦公族

之恩崇仁孝之教故特錄赦喪歸以示義

○六月辛丑朔日有食之鼓用牲

於社

杜傳例曰非禮也

○單伯至自齊○晉卻缺帥師伐蔡戊

申入蔡

杜傳例曰獲大城曰入林入國書大夫於是始是故自伐書陽處父入書卻缺侵書趙穿由是

凡役書大夫

○秋齊人侵我西鄙○季孫行父如晉○冬十

有一月諸侯盟於扈

將伐齊晉侯受賂而止故總曰諸侯言不足序列

○十有

二月齊人來歸子叔姬

齊人以王故來送子叔姬故與直出者異文

○齊侯

侵我西鄙遂伐曹入其郛

林兵事言遂必天下之大過也此言遂伐曹以齊始敗夏

盟晉遂不競也杜郛郭也。郛音孚

傳十五年

林是年蔡莊侯卒子文侯申立

春季文子如晉為單伯與子

叔姬故也

杜因晉請齊。為于偽反下為孟氏同

○三月宋華耦來盟其

官皆從之書曰宋司馬華孫貴之也

古之盟會必備威儀崇贊幣賓主以

成禮為敬故傳曰卿行旅從春秋時率多不能備儀華孫能率其屬以從古典所以敬事而自重使重而事敬則魯尊而禮篤故貴而不名。從才用反又音如字公與之宴辭曰君之先臣督

得罪於宋殤公名在諸侯之策臣承其祀其敢辱君

杜耦

華督曾孫也督弑殤公在桓二年耦自以罪人子孫故不敢屈辱魯君對共宴會

請承命於亞

旅

杜亞旅上大夫也。亞於嫁反

魯人以為敏

杜無故揚其先祖之罪是不敏魯人以為敏明

君子所不與也

○夏曹伯來朝禮也諸侯五年再相朝以脩王

命古之制也

十一年曹伯來朝雖至此乃來亦五年傳為東齊侯伐曹張本

○齊人或

為孟氏謀

孟氏公孫救家慶父為長庶故或稱孟氏

曰魯爾親也飾棺寘諸

堂阜

杜堂阜齊魯竟上地飾棺不殯示無所歸。寘之鼓反

魯必取之從之卞人

以告

杜卞人魯卞邑大夫。卞皮彥反

惠叔猶毀以為請

教卒則惠叔請之至今期

年而猶未已
毀過喪禮

立於朝以待命

林立於公朝以待見

許之

取而殯之

杜殯於孟氏之寢終叔服之言

齊人送之書曰齊人歸公孫

敖之喪為孟氏且國故也

為惠叔毀諸且國之公族故聽其歸殯而書之為于偽

反

葬視共仲

杜制如慶父皆以罪降。共音恭

聲已不視帷堂而哭

杜聲

已惠叔母怨教從莒女故不視教喪以帷自蔽於堂而哭。己音紀

襄仲欲勿哭

杜怨教取其妻

惠伯曰

林即叔彭生

喪親之終也雖不能始善終可也

林死喪之

事此親戚終天之別也雖襄仲與教始不相能善送其終可也

史佚有言曰兄弟致

美

杜各盡其美義乃終

救乏賀善弔災祭敬喪哀情雖不同母絕其

愛親之道也

林兄弟之情雖有齟齬不相和同母絕子其天性之至愛親親之道也。母音無子

無失道何怨於人襄仲說帥兄弟以哭之他年其二子

來

杜敖在莒所生。說音悅

孟獻子愛之聞於國

杜獻子殺之子仲孫蔑。聞音問或

如字下同

或譖之曰將殺子獻子以告季文子二子曰夫子

以愛我聞我以將殺子聞不亦遠於禮乎遠禮不如死

一人門於句驪一人門於戾丘皆死

杜句驪戾丘魯邑有寇攻門二子禦

之而死林蓋欲致死以明其無欲殺獻子之心。遠于萬反下同句古侯反驪又作龜莫幸反戾力計反○

六月

林周六月夏之四月也

辛丑朔日有食之鼓用牲於社

林並同莊

公二十五年

非禮也

得常鼓之月而於社用牲為非禮

日有食之

林言日食之禮天

子不舉

去盛饌而不舉樂

伐鼓於社

杜責羣陰伐猶擊也

諸侯用幣於社

杜社尊於諸侯故請教而不敢責之

伐鼓於朝

杜退自責

以昭事神訓民事君

蓋天子不舉諸侯用幣所以示有神尊卑異制所以訓民

示有等威古之道也

杜等威威

儀之

○齊人許單伯請而赦之使來致命

杜以單伯執節不移且畏

晉故許之林使單伯來魯致歸于叔姬之命

書曰單伯至自齊貴之也

單伯為魯

拘執既免而不廢禮終來致命故貴而告廟

○新城之盟

在前

蔡人不與

杜不

會盟。與音預下同

晉卻缺以上軍下軍伐蔡

杜兼帥二軍

曰君弱不

可以怠

杜急解也

戊申入蔡以城下之盟而還凡勝國曰滅

之

杜勝國絕其社稷有其土地。還音旋。

獲大城焉曰入之

得大都而不有

○秋

齊人侵我西鄙故季文子告於晉○冬十一月晉侯宋

公衛侯蔡侯陳侯鄭伯許男曹伯盟於扈尋新城之盟

林在前年

且謀伐齊也

杜齊執王使且數伐魯

齊人賂晉侯故不克而

還於是有齊難是以公不會

杜明今不序諸侯不以公不會故。難乃旦反書

曰諸侯盟於扈無能為故也

杜惡其受賂不能討齊

凡諸侯會公

不與不書諱君惡也

杜謂國無難不會義事故為惡不書謂不國別序諸侯

與而

不書後也

杜謂後期也今敗諸侯似為公諱故傳發例以明之

○齊人來歸子叔

姬王故也

單伯雖見執能守節不移終達王命使叔姬得歸

○齊侯侵我西鄙

謂諸侯不能也

杜不能討已

遂伐曹入曹郕討其來朝也

此杜

年夏

季文子曰齊侯其不免乎

林言齊懿公必不得以壽終

已則無

禮

杜執王使而伐無罪。已音紀

而討於有禮者曰女何故行禮禮以

順天

林先王制禮本因上天下澤之理故曰順天。女音汝

天之道也已則反天

而又以討人難以免矣詩曰胡不相畏不畏於天

杜詩小雅

。相息亮反又如字

君子之不虐幼賤畏於天也在周頌曰畏天

之威于時保之

杜詩周頌言畏天威于是保福祿

不畏於天將何能保

以亂取國

林言懿公以篡弑取國

奉禮以守猶懼不終多行無禮

弗能在矣

林不能久居人上矣為十八年齊弑商人傳。守手又反

經十有六年春季孫行父會齊侯於陽穀

林齊地

齊侯

弗及盟

及與也

○夏五月公四不視朔

林諸侯每月必告朔聽政因朝於廟

今公以疾闕不得視二月三月四月五月朔也春秋十二公以疾不視朔非一也義無所取故特舉此以表行

事因明公之實有疾非詐齊

○六月戊辰公子遂及齊侯盟於鄆丘

杜言公疾且以賂故鄆丘齊地。鄆音西又七西反

○秋八月辛未夫人姜氏薨

僖公夫人文公母也

○毀泉臺

泉臺臺名毀壞之也

○楚人秦人巴人滅庸

。巴必麻反

○冬十有一月宋人弑其君杵臼

稱君君無道也例在宣四

年林昭公弑弟文公鮑立。杵昌莒反曰強抑反

傳十六年春王正月及齊平

齊前年再伐魯魯為受弱故平

公有疾使

季文子會齊侯於陽穀請盟齊侯不肯曰請候君間

杜間

疾瘳。問如字

○夏五月公四不視朔疾也公使襄仲納賂於

齊侯故盟於鄆丘○有蛇自泉宮出入於國如先君之

數

林泉宮即泉臺自伯禽至僖公十七君此蛇妖數亦十七也。史記魯世家魯公伯禽子考公首弟煬公

熙子幽公宰弟魏公費子厲公躍子獻公具子順公湫弟武公毅子懿公獻弟孝公稱子惠公弗皇子隱公息姑弟桓公允子莊公周子閔公開兄僖公申十七君魏公世本作微公順公一作慎公

秋八月辛

未聲姜薨毀泉臺

魯人以為蛇妖所出而聲姜薨故壞之

○楚大饑戎伐

其西南至於阜山師於大林又伐其東南至於陽丘以

侵訾枝

戎山夷也大林陽丘訾枝皆楚邑。饑音飢一音机訾子斯反

庸人率羣蠻以

叛楚

杜庸今上庸縣屬楚之小國

麇人率百濮聚於選將伐楚

杜選楚地

百濮夷也。麇九倫反濮音卜還息充反又息戀反

於是申息之北門不啓

杜備中國

楚人謀徙於阪高

林楚以羣蠻共叛故謀徙於阪高之險地以避難。阪音反一音扶板反

為賈曰不可我能往寇亦能往不如伐庸夫廩與百濮
謂我饑不能師故伐我也若我出師必懼而歸百濮離
居將各走其邑誰暇謀人乃出師旬有五日百濮乃罷

林為賈伯贏也孫叔敖之父杜濮夷
無心聚見難則散歸。為于委反

自廬以往振廩同

食

杜往往伐庸也振發也廩倉也同食上下
無異饌也。廬力於反又音廬廩力甚反

次於句瀝

杜楚

西界地。句古
侯反瀝市世反

使廬戢黎侵庸

戢黎廬
大夫

及庸方城

杜方
城庸

地上庸縣東
有方城亭

庸人逐之囚子揚窻

窻我黎官屬
。窻初江反

三宿而

逸

林被囚三
宿而走歸

曰庸師衆羣蠻聚焉不如復大師

杜還復
句瀝師

且起王卒合而後進

林與王師合勢而後進
兵伐庸。卒子忽反

師叔曰不

可

師叔楚大
夫潘圻也

姑又與之遇以驕之彼驕我怒

林庸屢勝
故驕楚屢

敗故

而後可克先君蚡冒所以服陘隰也

杜蚡冒楚武
王父陘隰地

名。可克或作可擊蚡扶粉反冒莫報反史記楚世家
云蚡冒卒弟熊達殺蚡冒子而代立是為楚武王與杜

異陘音刑
隘音習

又與之遇七遇皆北

軍走曰北
如字一音佩

唯裨僚

魚人實逐之

杜裨僚魚庸三邑魚魚復縣今巴東永安
縣輕楚故但使三邑人逐之。裨裨支反

僚直
畱反

庸人曰楚不足與戰矣遂不設備楚子乘驛會師

於臨品

杜驛傳車也臨品
地名。驛人實反

分為二隊

杜隊部也兩道攻
之。隊徒對反

子越自石溪子貝自仞以伐庸

杜子越闕椒也石溪仞入庸道。溪苦兮反本

又作谿貝補蓋反今俗本多作員音云仞人慎反

秦人巴人從楚師羣蠻從楚

子盟

杜蠻見楚強故

遂滅庸

傳言楚有謀臣所以興

○宋公子鮑禮於國

人

鮑昭公庶弟文公也。鮑步邠反

宋饑竭其粟而貸之

林言鮑之卹民也

年

自七十以上無不饋詒也時加羞珍異

林羞進也言鮑之養老。上時

掌反饋其媿反詒以支爪又以志反遺也

無日不數於六卿之門

杜數不疏數音朔

國之材人無不事也

杜有賢材者林言鮑之尊賢

親自桓以下無不

恤也

杜桓鮑之曾祖林言鮑之親親

公子鮑美而艷襄夫人欲通之

杜

適祖母。而不可。杜以禮乃助之施昭公無道國人奉

公子鮑以因夫人於是華元為右師。元華督曾孫代公

公孫右為左師。林友目華耦為司馬。代公鱗矐為司徒。

。林矐桓公孫。矐古亂反。蕩意諸為司城公子朝為司寇。代華御字

初司城蕩卒公孫壽辭司城。壽蕩之子請使意諸為之。杜意

之既而告人曰君無道吾官近懼及焉。杜禍棄官則族

無所庇子身之貳也姑紓死焉。杜姑且也紓緩也。庇

舒雖亡子猶不亡族。杜已在既事也。夫人將使公田

孟諸而殺之公知之盡以寶行蕩意諸曰盍適諸侯公

曰不能其大夫至于君祖母以及國人

杜君祖母諸侯祖母之稱謂襄

夫人林謂得罪於上下。盍戶臘反

諸侯誰納我且既為人君而又為人

臣不如死盡以其寶賜左右而使行

杜行

夫人使謂司

城去公對曰臣之而逃其難若俊君何

言無以事後君難乃旦反

冬十一月甲寅宋昭公將田孟諸未至夫人王姬使帥

甸攻而殺之

杜襄夫人周襄王姊故稱王姬帥甸郊甸之師。甸徒通反

蕩意諸死

之

杜不書不告

書人宋人弑其君杵臼君無道也

杜始例發於臣之罪

今稱國人故
重明君罪

文公即位使母弟須為司城

代意

華耦卒

而使蕩虺為司馬

虺意諸之弟
虺况鬼反

經

辛亥

十有七年春晉人衛人陳人鄭人伐宋

自閏僖以
下終於春

秋陳侯常在衛侯上今大夫會在衛下傳
不言陳公孫寧後至則寧位非上卿故也

○夏四月癸

亥葬我小君聲姜○齊侯伐我西鄙

西當為北
蓋經誤

六月癸

未公及齊侯盟於穀○諸侯會於扈

昭公雖以無道見
弑而文公猶宜以

弑君受討故林父伐宋以夫所稱人晉侯平宋以
無功不序明君雖不君臣不可不臣所以督大教

○秋

公至自穀

無傳

○冬公子遂如齊

傳十七年春晉荀林父衛孔達陳公孫寧鄭石楚伐宋

討曰何故弑君猶立文公而還卿不書失其所也

杜卿不書

謂稱人林失其所討之罪

○夏四月癸亥葬聲姜有齊難是以緩

林聲

姜前年八月薨杜過五月之例。難乃旦反下同

○齊侯伐我北鄙襄仲請盟

六月盟於穀

杜晉不能救魯故請服

○晉侯蒐於黃父

杜一名黑壤晉地

父音甫遂復合諸侯於扈平宋也

傳不列諸國而言復合則如二十五年會扈之

諸侯可知也。復扶又反

公不與會齊難故也書曰諸侯無功也

杜刺

欲平宋而復不能。與音預

於是晉侯不見鄭伯以為貳於楚也鄭

子家使執訊而與之書以告趙宣子

杜執訊通訊問之官為書與宣子

訊音信

曰寡君即位三年

魯文二年

召蔡侯而與之事君

蔡林時未

服晉故鄭召蔡侯與之事晉

九月蔡侯入於敝邑以行

杜行朝晉也

敝邑

以侯宣多之難寡君是以不得與蔡侯偕

宣多既立穆公恃寵專權

偕音皆

十一月克減侯宣多而隨蔡侯以朝於執事

杜減損也

雖未盡而行言汲汲於朝晉

十二年六月歸生佐寡君之嫡夷

歸生子家

名夷太子名以請陳侯於楚而朝諸君

杜請陳於楚與俱朝晉

十

四年七月寡君又朝以歲陳事

杜歲勅也勅成前好。歲勅展反

十五

年五月陳侯自敝邑往朝於君往年正月燭之武往朝

夷也

杜將夷往朝晉

八月寡君又往朝以陳蔡之密邇於楚而

不敢貳焉則敝邑之故也

密邇比近也

雖敝邑之事君何以

不免

杜免免罪也

在位之中

林言穆公在君位之中

一朝於襄

杜襄公朝直

違而再見於君

杜君靈公也

兄賢適反

夷與孤之二三臣相及於

絳

杜孤之二三臣謂燭之武歸生自謂也絳晉國都

雖我小國則蔑以過之矣

今大國曰爾未逞吾志敝邑有亡無以加焉

林雖我鄭之小國則

無以復加此矣今晉國乃曰爾之事我未足以快吾之志願鄭國但有滅亡而已無以復加其事晉之禮古

人有言曰畏首畏尾身其餘幾

杜言首尾有畏則身中不畏者少林喻鄭雖小

國北畏晉南畏楚則中間之不畏者少矣。幾居豈反

又曰鹿死不擇音

林音所

處古字聲同皆相假借言鹿死不擇蔕蔕之所喻鄭既滅亡當不擇所從之國也

小國之事大

國也德則其人也

以德加已則以人道相事

不德則其鹿也鉞而走

險急何能擇

林不加德而亂以微之則不免以鹿死不擇蔕自比林鉞疾走貌言急則欲蔕蔕於

楚如鹿赴險。鉞他頂反

命之罔極亦知亡矣

林言晉命令無所止極鄭國亦知不免滅

亡之將悉敝賦以待於儵唯執事命之

儵晉鄭之竟言欲以兵距晉。

儵直文公二年六月壬申朝於齊

杜鄭文二年六月壬申魯莊二十三年六

月二十四日四年二月壬戌為齊侵蔡杜魯莊二十五年二月無壬戌壬戌三月

為於偽反。亦獲成於楚杜鄭與楚成居大國之間而從於強

令豈其罪也杜令號令也林此言鄭文公背齊從楚亦非其罪蓋遠引前事之驗以為近世之證

大國若弗圖無所逃命林晉國若不圖恤鄭之社稷無所逃於見討之罪言將叛晉也

晉鞏朔行成於鄭趙穿公壻池為質焉趙穿卿也公壻池晉侯女壻也

鞏九男反質音致下同○秋周甘歆敗戎於郟垂乘其飲酒也杜歆

周大夫郟垂周地河南新城縣北有垂亭為成元年晉侯平戎於王張本。歆昌歆反郟音審○冬十

月鄭太子夷石楚為質於晉林夷靈公也石楚鄭大夫為質於晉報趙穿公壻池

之實

○襄仲如齊拜穀之盟

林在六月

復曰臣聞齊人將食魯

之麥

林言齊人將伐魯

以臣觀之將不能齊君之語偷臧文仲

有言曰民主偷必死

杜偷猶苟且也。偷他侯反。

經

子壬

十有八年春王二月丁丑公薨於臺下○秦伯瑩

卒

杜無傳未同盟而赴以名林康公卒子共公立。瑩於耕反。

○夏五月戊戌齊人

弑其君商人

杜不稱盜罪商人林懿公弑兄惠公元五

○六月癸酉葬我君

文公○秋公子遂叔孫得臣如齊

書二卿以兩事行非相為介

○冬

十月子卒

先君既葬不稱君者魯人諱弑以未成君書之子在喪之稱

○夫人姜氏

歸於齊○季孫行父如齊

無傳

○莒弑其君庶其

稱君君無道也

傳十八年春齊侯戒師期

將以代魯

而有疾醫曰不及秋將

死公聞之卜曰尚無及期

杜尚庶幾也

欲令先師期死

惠伯令龜

杜

卜事告龜

卜楚丘占之曰齊侯不及期非疾也

終將見弑

君

亦不聞

杜言君先齊侯終

令龜有咎

杜言

龜者亦有凶咎見於卜兆為惠伯死張本

二月丁丑公薨○齊懿公之為公子也與邴歆之父爭

田弗勝及即位乃掘而刖之

林時邴邴之父已死乃掘其尸而刖斷其足。邴音

丙又彼病反歆昌欲反掘其勿反又其月反則音月又五刮反

而使歆僕杜僕師也納閭職

之妻而使嬖驂乘

杜駢乘陪乘。七南反乘繩證。反駢

夏五月公遊於申

池

齊南城。西門名申。門齊城無池。唯此門左右有池。疑此即是。

二人浴於池歎以扑

扶臈

扑。箠也。扶。擊也。欲以相感激。反。字宜從手。作木邊非也。扶。勑。乙反。扑。音卜。

臈怒歎曰

人奪女妻而不怒一扶女庸何傷臈曰與則其父而弗

能病者何如

杜言不以父則為病恨。女音汝。

乃謀殺懿公納諸竹中

林納懿公於申池之竹中。傳焚申池之竹本是此地有竹也。

歸舍爵而行

杜飲酒訖乃去言齊

人惡懿公二人無所畏。舍音赦置也。

齊人立公子元

杜桓公子惠公

○六月葬

文公

林五月而葬

○秋襄仲莊叔如齊惠公立故且拜葬也

襄仲賀惠公立莊叔謝齊來會葬

○文公二妃敬嬴生宣公敬嬴嬖而

私事襄仲宣公長而屬諸襄仲襄仲欲立之叔仲不可

杜叔仲惠伯。嬴音盈嬖必計反長丁丈反屬音燭仲見於齊侯而請之齊侯新

立而欲親魯許之

。見賢通反

○冬十月仲殺惡及視而立

宣公

杜惡太子視其母弟殺視不書賤之

書曰子卒諱之也仲以君命召

惠伯

杜詐子惡命

其宰公冉務人止之曰入必死叔仲曰死

君命可也公冉務人曰若君命可死非君命何聽

林若君

命死之可也若非子惡之命雖死而何聽。聽吐定反弗聽乃入殺而埋之馬矢

之中

杜惠伯死不書者史畏襄仲不敢書殺惠伯

公冉務人奉其帑以奔蔡

既而復叔仲氏

杜不絕其後

○夫人姜氏歸於齊大歸也

杜惡

視之母出姜也嫌與有罪出者異故復發傳

將行哭而過市曰天乎仲為不

道殺適立庶市人皆哭魯人謂之哀姜

所謂出姜不允於魯。過古采

反又古卧反適丁歷反

○莒紀公生大子僕又生季佗愛季佗而

黜僕且多行無禮於國

杜紀號也莒夷無諡故有別號。佗徒何反

僕因國

人以弑紀公

林大子僕因國人怒而殺其父

以其寶玉來奔納諸宣

公公命與之邑曰今日必授季文子使司寇出諸竟曰

今日必達

杜未見公而文子出之故來不書。竟音境

公問其故季文子使

大史克對曰先大夫臧文仲教行父事君之禮行父奉

以周旋弗敢失隊曰見有禮於其君者

林有禮謂恪守名分盡敬於所

事之君。大音泰隊直類反

事之如孝子之養父母也

林盡其心力而養之。養

餘亮反

見無禮於其君者

林無禮謂好犯名分悖亂於所事之君

誅之如鷹

鷂之逐鳥雀也

林盡其心力而搏之。鷹于陵反鷂之然反說上文仙反字林已僂反

先

君周公制周禮曰則以觀德德以處事事以度功功以

食民

林則者君臣父子兄弟夫婦朋友之法則也合此法則為吉德違此法則為凶德故以觀德德之吉

凶所以慮制事之是非事之是非所以量度功之成否功之成否所以食養民之厚薄。度待洛反下同食音

嗣

作誓命曰毀則為賊

杜誓要信也

掩賊為藏

杜掩也竊

賄為盜

杜賄也

盜器為姦

杜器用也

主藏之名

以掩賊為名

賴姦

之用

杜用姦也

為大凶德

林毀君臣父子兄弟夫婦朋友之法則故為大凶德

有常

無赦

杜刑有常

在九刑不忘

杜誓命以下皆九刑之書九刑之書今亡

行父還觀

莒僕莫可則也

杜還猶周旋還音旋

孝敬忠信為吉德盜賊藏

姦為凶德夫莒僕則其孝敬則弑君父矣則其忠信則

竊寶玉矣其人則盜賊也其器則姦兆也

杜兆域也

保而利

之則主藏也以訓則昏民無則焉不度於善而皆在於

凶德是以去之

林若保其人而利其物則是我有主藏之名若以教訓則為昏亂無一事可為

民人之法則莒僕不居於孝敬忠信之善而皆在於盜賊藏姦之凶德是以逐去莒僕而不聽少留也。去起

反呂昔高陽氏有才子八人

高陽帝顓頊之號八人其苗裔蒼舒隤斨

戴大臨龙降庭堅仲容叔達

此即垂益禹皋陶之倫庭堅即皋陶字。隤徒回反

數五才反一音五四反韋昭音瑰檮直由反韋昭音桃戲以善反漢書作戲韋昭已震反龙莫江反降下江反

齊聖廣淵明允篤誠天下之民謂之八愷

杜齊中也淵添也允信也

篤厚也愷和也。愷開在反

高辛氏有才子八人

高辛帝嚳之號八人亦其苗裔伯

奮仲堪叔獻季仲伯虎仲熊叔豹季狸

此即稷契朱虎熊羆之倫。奮

甫問反熊音雄狸力之反

忠肅共懿宣慈惠和天下之民謂之八元

杜肅敬也懿美也宣徧也林慈愛之出於心者也惠愛之及乎人者也和中節也元善也

此十六族

也世濟其美不隕其名

杜濟成也隕墮也。墮于敏反

以至於堯堯不

能舉舜臣堯舉八愷使主后土

后土地官禹作司空以平水土即主地之官以

揆百事莫不時序地平天成

杜揆度也成亦平也林以揆度百工之事莫不一時

得其次序而無廢事水土既平天道亦成。揆葵癸反

舉八元使布五教於四方

契作司徒五教在寬父義母慈兄友弟共子孝內平外

成

林內諸夏
外夷狄

昔帝鴻氏有不才子

杜帝鴻
黃帝也

掩義隱賊好

行凶德醜類惡物頑嚚不友是與比周

林有義之人則
掩蔽而不用賊

盜之人則隱庇而必用平日所好惟行凶德凡惡人之
不可親友者則不才子是與之比近而周密杜醜亦惡

也。好呼報反嚚魚巾反心不則德義之
經為頑口不道忠信之言為嚚比毗志反天下之民謂

之渾敦

杜謂驩敦渾敦不開通之
貌。渾戶本反敦徒本反

少皞氏有不才子

少皞

金天氏之號次黃帝。
少詩照反皞胡老反

毀信廢忠崇飾惡言靖譖庸回

服讒蒐慝以誣盛德

林毀壞誠信之道廢棄忠直之人
崇聚修飾穢惡之言安於讒譖用

其回邪行人之讒言求人之隱慝以誣
壞盛德之士。蒐所留反慝地得反

天下之民謂之

窮奇

杜謂共工其行窮其好奇。奇其宜反。

顓頊氏有不才子不可教訓

不知話言

杜話善也。話戶快反。

告之則頑

杜德義本天心

舍之則嚚

杜

道忠信。舍音赦。

傲慢明德以亂天常

林傲慢狠暴不修明德以悖亂天地之常理。

傲五報反。狠戶鑿反。

天下之民謂之禱杙

杜謂鯀禱杙頑凶無儔匹之貌。禱徒刀反。杙

五忽反。

此三族也世濟其凶增其惡名以至於堯堯不能

去

杜方以宣公比堯行父比舜故言堯亦不能去須賢臣而除之。去起呂反下同。

縉雲氏有

不才子

縉雲黃帝時官名。

貪於飲食冒於貨賄侵欲崇侈

林恣已之

欲盡人之才貪食甚則侵欲於人貪財甚則崇侈於已。

不可盈厭聚歛積實不知

紀極不分孤寡不恤窮匱

杜盈滿也實財也。厭於艷反匱其媿反。

天下之

民以比三凶

杜非帝王子孫故別以比三凶。

謂之饕餮

貪財為饕餮食為饕。饕化刀

反饕他結反。

舜臣堯

杜為堯臣。

賓於四門

闢四門達四聰以賓禮衆賢。

流四凶

族

案四凶罪狀而流放之。

渾敦窮奇檮杌饕餮投諸四裔以禦魑

魅

杜投棄也裔遠也放之四遠使當魑魅之災魑魅山林異氣所生為人害者。禦魚呂反魑勑知反山神

獸形魅亡備反說文作魅云老精物也。

是以堯崩而天下如一同心戴舜

以為天子以其舉十六相去四凶也故虞書數舜之功

曰慎徽五典五典克從無違教也

杜徽美也典常也此八元之功。戴多代

反相息亮反去起呂反
數色主反徽許歸反
曰納於百揆百揆時序無廢事

也杜此八曰賓于四門四門穆穆無凶人也林去四功舜

有大功二十而為天子杜舉十六相今行父雖未獲一

吉人去一凶矣於舜之功二十之一也庶幾免於戾乎

史克激稱以辨宣公之惑釋行父之志故其言美惡有過辭蓋事宜也
○宋武氏之族林

武公之子孫。本或作宋武穆之族者後人取下文妄加也
道昭公子將奉司城須

以作亂杜文公弒昭公故武族欲因其子十二月宋公

殺母弟須及昭公子使戴莊桓之族攻武氏於司馬子

伯之館

杜戴族華樂也莊族公孫師也桓族向魚麟蕩也司馬子伯華耦也

遂出武穆之

族

杜穆族黨於武氏故

使公孫師為司城

林公孫師莊公之孫代母弟須

公子朝

卒使樂呂為司寇以靖國人

杜樂呂戴公子曾孫為宣三年宋師圍曹傳

左傳杜林合注卷十七